



吳興姚

鉉

纂

唐和麗妃神道碑

張說

唐鄭國長公主神道碑

張說

唐岐陽公主墓誌銘附

杜牧

唐東光縣主神道碑

李善

唐和麗妃神道碑銘并序

張說

舊史云軒轅帝宮次星具黃龍之體郊媒神祀次妃成玄鳥之命

非聖也莫能法天非天也莫能感聖則有相乎坤而母乎震齊乎

古而今乎天跡雖秘絕猶可測而言焉麗妃趙氏天水人也麗者

以華美為貴妃者以配合為尊身云日月麗天傳稱星辰合度麗

加妃躋自我為初原夫八駿觀周肇有封姓三軍霸晉乃蕃卿族

設寶符而開國曳珠履而承家果驗成宣之後不之文忠之慶堯

門昭殿何代無人暨乎紫氣上通瑤臺獨立拜宮選美納良袂於

神雲漢掖求才進團扇於明月故坐而論教則比位三司動而具

瞻則儀刑六列者矣先將軍以恩澤授職太夫人以有禮封鄭流

車躍馬豈無田觀之親湫宅閉門不有椒房之勢探風揆化夏國

如家故聖人有以尚其德也躬親爾館義形熊檻退席以愛禮
水以廣恩望古難臻之地必為常踐之域故聖人有以嘉其志也
懸象告終經時寢疾在蒙被之辰蒼暎蠶之間生可捐於浮假心
獨後於文真神往清願承息而入道形歸下土期去禮而薄葬
慈顏同氣奚敢為言皇上閱而許之咨嗟不已開元十四年春秋
二十有四七月十四日薨於春華殿殯於龍興觀之精室示以川
家從道例也命河南尹監護河南令副焉喪葬務約成遺語也二
十六日窆於故都之後邛山之陽瑪菴承華悽涼薄室列薤歌於
東路回容衛於北山壽堂一閉芳几聖等代同悲切脩短間月
披雲衣遂以神仙之服上方陶篋旋於造化之初此皆聖主之曲
成賢妃之本志何必雲陽山下別起通靈之臺未央宮中虛立致
神之帳若夫易名之典考行是存帝謚曰和禮之貴也氣之清者
生萬物聲之和者享八音禮而有女感聖因立有詔史臣林路內
賦事出彤管辭無華飾寫樂池之傷寄瑤山之四極銘曰
帝心在左每掌陰教八月暨才千金瞻聖禮獻終廟詩後脩濯婦

政計以... 效皎皎漢女為皇降靈娥娥邦媛順道之經結以
邱綬華地後庭帶之弓... 郎潤前星退迹潛運氣承嘉祥諫苦中
京崎嶇上黨金鏡開目明珠耀掌心方樂於時秦魂奄悲於化往
紫雲衣... 霞裳送美人芳... 邱邱白壤官... 青松去君恩... 日遠
秋風急... 霜天草木黃... 野田滅香容於空... 柳留畫... 於甘泉春
秋以麗和之二字獨... 美於千生

鄭國長公主神道碑銘并序

張說

臣聞堯有娥英承九族之敦... 序舜有宵燭動百里之光耀大聖之
後天必繼之積善之家神所慶矣豈惟上帝之女乎漢為靈平王
之孫肅雍其德連華前志世有其人皇唐鄭國長公主者睿宗之
第七女也母曰崔國妃構累聖而成門合濟美而為室蘊乾坤之
純粹演日月之清明神媛誕靈常言所絕免懷之歲天奪聖善不
食三日哀此成人文母流胎教之慈曾孕得生知之孝由是官闈
延矚邦國遠聞及乎王笄耀首油駢衣馭錫之美地邑以荆山求
之今族嬪于薛氏爾其居翫圖史動脩法度服其澣濯恭儉之教

興鼓其琴瑟故讓之風被其行已也安親惠下之謂仁敬宗好合
之謂義降貴接卑之謂禮恕情周物之謂智推心而行罔不該備
其理家也侍膳養餼之均和主饋醴醢之品齊絲竹五音之微靡
纂組九華之縵麗經目所涉莫不精詣每至三元上賀五日中祭
進對詳華折旋舒婉故以式瞻貴皇儀範通門如千花之汎惠風
日丹之涵膏露窈窕之儀克舉蕃衍之福大來有男子四女子五
理碧生階芝蘭滿室也晉禮明詩日漸庭闈之訓銀章女綬地連
恩澤之侯自先朝徹袞之辰迄於公主成笄之日外降過制為疾
餘哀手寫金字梵經三部躬繡綵線佛二鋪具兼具魂現心相於
銀鈎蓮華妙容呈意生於玉指孝思惟則道遠乎哉開元繼明推
恩由已進封卽國長公主食邑一千二百戶田賦廣而彌儉禮秩
尊而益恭其後君子晨歌天人晝哭未亡為稱生意盡矣無視遺
孤將守栢舟之誓志期荆洛永從禁苑之游朝制斷恩改降鄭氏
陵谷可移隋和之德不殊寒暑自有遷松筠之性如一幼養七子麻
蔭三宗汾陰之室忘亡榮陽之堂無相慶既而善福

盡國之伎遠方畢至供御府之藥中使相望命之必至不可
也堂邑山林忽焉碎色平陽歌舞適足愁人開元十三年二月東
年薨於河南縣之脩業里春秋三十一有七震悼紫衣哀傷朱邱傾
家若墜舉國同悲有詔光祿卿孟溫禮監護喪葬京兆尹能延介
副焉帝受之禮一如涼國公主故事夏四月恩旨浩葬於橋陵不
附不從古之道也皇上念同氣之致美感關川之永謝恨棟莖之
半欽悲瑤草之先化乃命國史昭銘懿迹降恩禮於雲露寫哀辭
於金石水非湘渚遷起帝子之詞山是洛陽即封天妹之塚銘曰
帝系白雲山源紫氣漲家成國承天作貴赫赫聖祖曰文曰武皇
皇睿宗一變萬邦挺生淑媛慈和孝恭清曠如神蛾眉無雙卽第
立官湯沐建封爰及并總禮施環珮鳴鳳獻祥乘龍擇對帝唐降
女天乙歸妹珠玉過庭蘋蘩正內蛟門早聞龍湖忽上無地何載
無天何仰金澗書經華絲繡像欲報之德昊天罔極孰是言歸良
人永違銀燼煙斷羅幕霜飛艱願致形託身壞衣不諒人只改嬾
他士稟命曰從從人曰順息媿繩楚懷羸霸晉又經合權與道

韻煥休二室均歡等潤四海謚清九族和平萬物向榮衆鷦志
心戀盛明形隨落英祖載鼎城歸安咸京挽歌助聲函簿凶行哀
哀聖清惻惻同生橋山片石千秋令名

唐故岐陽公主墓誌銘

杜牧

憲宗皇帝即位八年出嫡女冊封岐陽公主下嫁于今工部尚書
判受支杜公琮始憲宗時宰相權德輿有塔獨孤郁為翰林學士
帝愛其材因命宰相曰我嫡女既笄可嫁德輿得塔獨孤我豈不
得邪可求其比後丞相吉甫進言曰前所奉詔臣謹搜其人因名
我烈祖司徒岐公曰有孫曰琮年始弱冠德行文學秀朗嚴毅
嘗為司徒吏熟其家事官族出婚習尚古治臣一皆侍度疑琮可
以奉前帝即召尚書具與語大悅受殿中少監服章金紫以元和
八年某月日主下嫁于杜氏以上御正殿禮畢由西朝堂出前備鼓
鐸儀物畢備引就昌化里賜第上御延喜樓慰止主論尚書及
時酒食金帛奏內樂降嬪御送行賜第堂有四海清源嘉禧
其登汎龍首水為沼主外以因請以尚父汾陽王

為主別館當其時隆貴顯榮莫與為比主嘗憂宗皇帝嫡女穆宗
皇帝母妹敬宗皇帝今天子親姑尚父汾陽王子儀外曾孫太皇
太后始以正妃事憲宗以太后太皇太后愛養三朝凡四十年德
厚慈如化充六宮主以一女之愛降于杜氏逮事舅姑杜氏大族
其他宜為婦禮者不期數十人主卑委怡順奉上撫下終日惕惕
拜息拜起一同家人禮度二十餘年人未嘗以絲髮間指為貴驕
始與尚書合謀曰上所賜及婢奴卒不肯窮屈奏請納之上嘉歎
許可因錫其直悉自市寒賤可制指者自是閉門落然不聞人聲
尚書讀書考今古治亂主職婦事承奉夫族時歲獻饋吉凶聘助
必親自經手池塞館陔闢球場種樹不數年摺紳間雜然稱尚書
有賢婦尚書旃岫為澧州刺史主後尚書行郡縣聞主且至殺牛
羊大為數百人供具主至從不下人六七婢乘驢關葺約所至
不得肉食驛吏立門外昇飯食以返不數日間聞于京師衆譁說
以為異事尚書在澧州三年主始入後出中間不識刺史廳屏尚
書治澧州考治行為天下第一後為大司徒京兆尹鳳翔節度使

朝廷屈指比數以爲凡有中外重難非尚書不可主賢益彰雖至
宮闈貴號亦加尊敬姑涼國太夫人寢疾比喪及葬主奉養蚤夜
不解帶親自嘗藥粥飯不經心手一不以進既而哭泣哀號感動
他人尚書後爲忠武軍節度使所治許州剗爲節度府五十年南
迫於蔡蔡室軍庫主君無正堂處東支屋恬然六年許軍強雄
且孱劇寇自始多用武臣治各出已部曲家人疵政弛法習爲循
常有司用比邊障遠地擲置不問民亦日心尚書再治之老民相
率兩走闕下遮丞相馬叩頭乞留請樹生祠及詔追去攀緣攜扶
哭於道路尚書治外主治內尚書所至必稱剗剗爲各公偉人主
實有內助焉穆宗以太皇太后敬主尤爲親信俯首益卑車服侍
使愈自賤抑覲謁溫清外口不言他事訖穆宗朝人不以親貴稱
當貞元時德宗行姑息之政王武俊王士貞張孝忠子聯爲國壻
憲宗初寵于頔來朝以其子配以長女皆挾恩佩勢聚少俠狗馬
爲事日截馳道縱擊中人寡取民物官不敢問戚里相尚不以爲
窮弱自主降于尚書壁絕外之初怒中笑後皆敬畏崇聖亦指示

主德以誠警之至于今以主尚書顯重於中外戚里亦皆自檢歛
隨短長爲善於是舊俗滅不復有尚書自許奉急追詔主有疾小
愈強不肯留曰去朝與慶宮繼死於道吾無恨以開成二年十一
月某日薨於汝州長橋驛享年若十上發朝三日其年十二月某
日主喪至京師比及葬兩宮弟問相繼於道開成三年某月日上
御正殿詔丞相嗣復攝中書令正衙宣冊謚曰莊淑大長公主某
年某月日附葬于萬年縣洪原鄉少陵原尚書先塋禮也生男二
人長曰輔九年十歲次曰揚十始二歲女二人其於尚書爲孫父
弟得以賞銘銘曰

章武皇帝唐中興主刑于正妃教及嫡女婉婉帝子下嫁時賢影
逐響具隨順纏綿杜氏大族枝蔓蟬聯上有舅姑高堂儼然螭綬
龜音主佩金軒養色悅意待後承前人不我貴我敬我虔始終盡
禮大小周旋餘二十年誰與間言貴不名驕富不期後是此四者
倏相首尾自古名士或泥於此孰謂帝子超脫擺棄婦職是勤天
言是指地荒館廢屏外不履淑德柔風天下傾耳宜乎壽考歸女

婚子不錫全社孰提神紀幽石有誌顯筆有文流于千祀

唐故東光縣主神道碑銘并序

李華

先朝宗室之望曰紀王太宗第七子也惟帝族母師曰東光縣主
紀王第三女也自天降祐生有令德年八歲王不豫循環左右不
食累日王撫首諭焉為之進膳縣主察起居未復憂色如初動於
神祇王疾用間周文樂正之養不過焉至若天人之秀元氣之純
積於中文於外其容可知也孝以奉親慈以臨下尊師傳服滌濯
其德可知也禮傳為箴詩書為珮玉原心而顧身體訓而成教
其言可知也降尊而處下推泰而從約詣繡繪之妙適飲膳之和
其功可知也年十八受封邑王擇聞喜公以妻之間喜有王佐之
材委會蕃貳縣主以皇孫之貴和鳴侯家陰德莫違輝動邦教養
先姑如寧膝下奉君子如見太賓以微柔睦姊姒以莊敬端幼賤
鵲巢之化存焉太后臨朝諸武專政魯衛之國前翬焉立墟紀王流
窳巴濮寔於道踐縣主承訊崩心嘔血每一發聲飛鳥哀鳴草木
無色外除之後衣裳無純絲林園無其食耳不聽聲首不加飾自

朝廷達於寓內罔不哀之太后復辟中宗出震夜日昇鳴谷天下文
明雷破羣陰品物咸遂以王懿親威德詔有司備禮物陪葬昭陵
聞喜公時為孝義令詔書至河縣主聞之嘔血而絕絕而後蘇告
諸子曰家國再造冤酷獲申為我謝中外親親下見先主瞑目無
恨言未畢而薨春秋五十有四時神龍元年二月二十二日有司
以聞中宗震悼召聞喜公問公悉以對上獻歎久之歟省垂泣六
宮懷愴乃下詔褒美史官撰德弔祭贈禮過其備矣深於春秋
者歎曰孝之至不忘其親忠之至乃心王室自古賢士大夫莫能
備舉惟縣主有焉紀王之陷非罪也泣血以終哀中宗之撫輿運
也則感深而殞絕忠孝兩極首其人倫使百代之下聞其風者有
以勸焉其為不匱遠矣嗚呼天輔善人且其有後男十人女十人
四子至大夫曰遇曰邁曰邁邁仁則踐修孝惟明發少子德位兼
盛曰迥今河南尹兼東都留守上柱國祿益厚而慕益深不逮劬
勞之報故也銜涕投簡而命下吏敬銘三章式表幽宅其文曰
肅雍王門天帝之孫因心則孝懷盛敬尊配美良士如賓禮存泣

血終身豈惟霜露集家國魂清塚墓壽絕哀歡事高湘素天作
邛山萬化攸歸地閉金印泉深袞衣國風悽愴形管無輝

文粹卷第五十五下

文粹卷第五十六 碑八 四首

吳興姚

叙集

唐中書令梁國公姚崇神道碑 張說

唐丞相尚書左僕射王播神道碑 李宗閔

唐丞相太子少師牛僧孺神道碑 李珣

唐丞相中書侍郎齊抗神道碑 權德輿

唐故中書令梁國公姚文貞公神道碑銘并序

玄宗御書

張說辭

叙曰八柱承天高明之位定四時成歲亭育之功存畫為九州禹
也堯享鴻名播時百穀棄也舜稱至德曰比言之知人則哲非賢
罔又致君堯舜何代無人有唐元宰曰梁文貞公者位為帝之四
輔才為國之六翮言為代之軌物行為人之師表蓋維嶽降神應
時間出者也公諱崇字元之姚姓有虞之後遠自吳興近徙于陝
今家洛陽焉烈考長沙文獻公樹勳王室建旗舊府公統綺而孤
克厲前業激昂成學榮問日流武庫則矛戟森然文房則禮樂粲

存正以冠補孝敬挽郎又制舉高第歷佐僕鄭並有聲華入為司刑
丞天授之際獄吏峻密公持法無頗全活者眾進夏官員外郎郎
中侍郎朝廷曰能遂掌軍國遷鳳閣侍郎監修國史兼相王府長
史始則天人讓王承置醴之額終以飛龍利見延駮乘之恩自時
厥後恒當大任凡三處兵部尚書三入中書令一為禮部尚書左
庶子又肅政大夫摠靈武軍兵馬又司僕卿知隴右監牧出典亳
宋常越許申徐潞楊同十郡景雲初以藩邸舊僚封梁國公食賦
百室公性仁恕行簡易虛懷汎愛而涇渭不雜真率徑盡而應變
無窮常推是心以御於物故所莅必吐庶風偃驚復化從言不勵
而教成政不威而事理去思覩頌來暮聞歌既登邦政卒乘輟駐
及在宗伯神人允諧今之中書元為理本謀事兼於百揆論道摠
於三台公執國之鈞金玉王度大渾順序休徵來臻懋德格天名
遂員遜拜開府儀同三司崇其秩逸其志也初太夫人在室公受
職西掖頗限高禁求侍晨昏優詔既許尋令還職公固請以泣制
三家有令弟足慰母心國有棟臣安可暫闕其後剖符江表敷論

起復衰麻外屢藥棘內毀變禮中權通識所貴神龍之首預聞與
復疇其井賦累讓而停夫以革故鼎新大來小往得喪而不形於
色進退而不失其正者鮮矣君子曰忠不忘親仁也哀不違事義
也讓功辭邑禮也濟代全名智也仁以長人義以和下禮以安上
智以周身宜其光輔四帝軒冕三紀也臺臺筑優游暮齒傳爵
士於祚胤保祿位於終始矣享年七十有一開元九年九月寢疾
薨于東都慈惠里皇上悼焉國人慕焉撫牀輟春曾未去比制贈
揚州大都督謚曰文貞禮也十年二月葬於萬安山之南原在疾
也王人賜膳御醫視藥于薨也中使弔臨羽儀哀送君臣之義厚
莫重焉子昇子弁思綴遺美以賞其罔極有詔掌文之官叙事感德
之老銘功將以寵宗臣揚英烈帝乃灑恩仙翰鏤澤豐砥日月臨
照於佳城煙雲變態於神道寶其文字別為羣玉之山林其樵蘇
即表三司之墓銘曰

源深自虞派別從吳避地魯陝居家洛都神明遠契嶽瀆宜符明
聖斯偶生賢不孤仁將勇濟孝與忠俱學刃攢植文鋒迅驅繞安

卑位即騁長途惟實惟有若虛若無再三軍國一二訐謨戎柄尤
重王綸最樞兼司任切久政榮殊滿藻彌煥丹青靡渝以寬容物
以臨金分區外或形放中但禮拘箴雖誠口諍亦忘軀但覩渾璞誰
詳瑾瑜伊臯尺寸管樂錙銖名正身遂言誠願孚方辭漢祿更歷
齊絀既積而散窮歡盡娛川歸東極日去西晡上惻旒哀旁悲路
衢訪田美王荔浦明珠載廣休慶爰弘典謨豐碑延立盛業其鋪
帝念頻軫仙毫特紆鐫金刻石鳳篆龍圖七耀光動三泉澤瀉銓
能叙事理鬱鬱詞敷求舊銘實斬碑而蕪緬思垂露尚想江湖有道
之德其何以踰延陵之墓空此嗚呼存歿終始遐哉邈乎

唐故丞相尚書左僕射贈太尉太原王公神道碑銘
并序
李宗閔

上即位五年正月丞相左僕射太原王公以疾未發疾其明日遂薨於
正天下震悼無何遽命內謁者詣其室索其所以飲食寢作之端
詳其無他狀遂賜布帛救粟率用減等既又下塞稍重之意加
之痛千口以錫之為之罷朝三日命兵部侍郎一人持節馬

出自正殿直抵柩前册公為太尉葬有日官給柩器及
遣王人亟臨視之命羽葆旂常輅車之飾皆及墓俟其沒還
聲四節於里第而還示不與常制也其子鎮以宗閔晚陪公於相
位之末稍窺公之行請銘其烈以垂于後且不宜拒遂輔其榮榮
所能言者於金石云公諱播字明敷大原人周靈王太子晉之後
以歷世為王因而受氏高祖滿汾州長史生太父璉嘉州司馬給
事中司馬生昇咸陽縣令太子少師少師生恕楊府倉曹參軍尚
書左僕射公僕射元子也忠敬而本仁寬明而有制內顯而敏外
肅而和貞元十年舉進士第是歲榮賢良以直言校書於集賢殿
其言平戎經國之術粲然可舉調尉監斷獄首出御史中丞李
汶愛之奏為監察御史按雲陽永源咸季以贓免用疑文不宜調而
調因謁於臺遂捕劾之追姦胥窮律旨奏流咸季刑曹部罷所居
官給事中以首詔非是奪俸緣而坐罪者甚眾自是風聲不可遏
矣為御史時京兆尹李實文皇寵女能禍福卿士凡其榮衰繫所
附背舉朝迎避其鋒公在途而實來指公移文詆之其詞可羞實

遂奏公為三原令求其不足於禮以持之公至丑署洎羣吏之館
還其邑敬府之禮無不具實既出其筭反加畏焉縣之編於戶者
多中貴人前令率不能自為其政弛張牽之公采召所謂貧人者
入坐堂下拜曰敬桑梓宜如是也邑人大駭從其所指為長安令朝
廷方恩于頓而以帝女嫁其子民有與于氏蒼頭同盜入馬者前
令捕氏而縱其蒼頭公始至縣即立取其奴而與民均其法知御
史雜事京師饑穀起價京西諸侯相率閉粟公移之簡書徵秦晉
泛舟之說西鎮惴惴收去條令粟流于秦元和四年為御史中丞
歲中知京兆尹六年為刑部侍郎充贖鐵轉運使上言流人會赦
而歸獨配囚為鬪遂無還者請率以七歲為竟至今用之尋加禮
部尚書益以御史大夫又以戶部尚書節度西蜀長慶初觀穆宗
言中外之事遂留為刑部尚書復贖鐵又拜中書侍郎平章事
仍其職臣維激發始以進賢為急上方有意河朔以財賦始出於
方土二年公用相印為淮南節度使以其職隨之四年言事者謂
贖鐵之設且留京師用制方土加檢校司空去其使未幾上念公

成法又以使屬公加司徒今上踐祚急詔徵公至即拜左僕射同
中書門下平章事仍其使尋兼太清宮使累進爵至太原郡開國
公食邑二千戶進階至金紫光祿大夫年七十二而薨公入官三
十二政速事六帝出統楚蜀之師入極台宰之尊前後三總贖鐵
既去又復幾二十年天之所藉地之所載寧有獨私於公耶必有
以當其然也一署吏苟不犯無能奪其任者歲時奏課上于榮大
史胥次遷亦如之故人用安其為善莫有欺公者雖遠至海裔若
摠轡管攝窮年不死一吏聚一職而羣務自濟凡朝廷平淮取鄆
屠汴下滄景干戈不息者十五六年饋餉資費隨其緩急而立辦
沛然若神給其間溝琵琶道賴河以漕輕舟師人坐受其飽疏三
門挽沈石以濟巨艦關中遂亡其饑薦皇甫鏘之強敏而鏘反矧
公於上公猶不知上謂其長者論景忠信矯制定境之將期必抵
於罪時服其敢為深涉徐境導齟齬而為忠既采人曰真宰相器也
摧征之外有雜緡率貢內帑號為羨進貞元中歲不過十二萬緡
及公歲貢百萬緡凡國有大征伐不慮其費之有無洎丞相晉公

專征討之事兵食之給悉於公公方從容以贊其成及滄景平公首
叶力之功自御史中丞京兆尹摠賦秉政未嘗書功為記善於啓
奏天子不能自守其喜怒公以專志持務密臣於上行已易徒不
喜伐露由是數帝任遇多被恩澤權利去留如在諸已人多意公
能詭合於時及公持持相印與晉國洎一二公同輔於上趨嚮甚
直雅符於道苟所舉公是公必扶之即非是公遂嘿嘿不和由是
上知公重厚而同列亦從尊待之乃見公之所為與嚮之不知者期
公蓋其矣也公既屈於各而伸於富貴豈非盛德君子神明之所
祐耶故夫人清河崔氏給事中統之女嗣子式祕書丞砥服名教
不以丞相子自居其身次日冰始授京兆府參軍事器度宏遠公
之仲弟曰交季白起與公三人俱用文學奮於江左西遊長安七
中甲乙時議偉之公歿不幾日而起以戶部尚書司國之計門閭
之士咸來哭賀羣吏之執籍繁夥一如公之時其亦於世難求也
其從事故相國程公昇今荆州相國段公文昌其他分居中外羅
諸臺閣者不帝三十人銘曰

歲在大和准帝聖神圖任舊臣乃相太原維是太原福祥其奔再
持化權樞揆照照兩統劇藩楚准蜀坤始自元和公秉貨泉憲穆
敬文洎茲聖君四帝財征去公孰親惟煮惟鑄惟範惟聚東掃北
殄上之所怒帶甲百萬餼食惟巨俾公尸之不勞而具變通以時
物無滯遺綱條一施莫越其規御衆以仁中控其機信行恩馳罔
有詐欺公之性揚膺務其將公之留庭職與公并首尾貫聯幾二
十年相符使府隨其與祖公之敏智黜爵自至不緣其外姑直其
衷始承其風畏公之邃及與之同泳公之易仁人之跡歿而乃熾
揭於茲碑不什不倚

唐丞相太子少師贈太尉牛公神道碑銘并序李珣

天球河圖有國之大寶靈麟鳳凰王者之嘉瑞方於賢彥即又次
焉天祐我唐才傑閒出輔時興化代有其人公諱僧孺字思黯隴
西狄道人本子姓漢有牛崇為隴西主簿因家焉代為西州豪族八
代祖弘仕隋為吏部尚書封奇章公佐佑文帝有重名於時高祖
為中宗時為春官侍郎掌國史曾祖休克集用刺史贈給事中祖

父紹大常博士贈太尉父勿聞華州鄭縣尉贈太保公七歲而孤
依倚外族周氏嶽嶽卓卓有老成之風以喪禮自處未嘗戲弄年
十五知先奇章公城南有隋室賜田數頃書千卷乃辭親隸習政
孜孜矻不捨蚤夜洵四五年業成舉進士軒然有聲時高崖州作
相網羅賢雋知公名願與交公袖文往謁一見如舊由是公為籍
其名動京師得上第然以賢良方正舉又冠甲科策中盛言時事
無有隱避持權者深忌之出為伊闕尉各府賢侯悉為繼至封章
屢薦每為中執事所沮皆不滿秩從路帥郗士美簡授管記三奏
不得請竟除河南尉會有次對大僚因言事解於上前遷監察御史
史丁太夫人憂服闋除本官轉殿中中以文高氣直累歲堙阻問
望所屬推美於臺閣間入省拜禮部外郎時孟尚書簡有重臣以
地官貳卿兼領綱憲薦公知雜轉都官員外兼侍御史免憲職授
考功員外郎集賢學士穆宗即位宰相稱其能遷庫部郎中掌書
命召對與語上德之面賜五品服未幾遷中丞每對延英必移時
盡言天下事有武將李直臣為宿州刺史豪奪穀斂必以萬數百萬

臣乃得罪由是上以清直知又而賜金紫拜戶部侍郎時望允塞
中書令韓弘以財投分公拒而不受上因他事知之愈賢公遂作
相持重顧大體不言細事嘗謂同列諸相曰致理之本流品為先
彝倫修叙蓋謂此也每惜名器力與同列爭方鎮以不廉問者輒
奏貶以賄賂求進者必阻之先是李司徒逢吉與杜循州元穎同
作相穆宗寢疾議建儲貳與公不協後元穎出鎮并絳逢吉銜之
思有釋憾於政事堂謂公曰西川前有廢立謀上孰知之來日延
英發其事公不知慎勿沮議公曰王道有言吾雖不殺伯仁伯仁
由我而死正近此耳又安得不言哉逢吉喑鳴而止敬宗年少嗣
位公雅善敷奏每言一事必本末陳之上甚倚愛同列挾中助力
赫赫嫉公之賢公亦思避其鋒三上疏求外任上以武昌善地建
節幢兼相印以授之既至問人所病害咸言鄂土踈薄歲一修城
役工誅茅入用咨怨公默許心計埏泥範埴未及三年盡換舊制
崇墉堅壁人至于今賴之文宗嗣位二年公入覲詔復相位上雅

知公各一見恨得之晚會宋相申錫以廉介聞巨姦鄭注挾北軍
勢上射取財貨富侔於國忌宋之直陰畫詭計誣與藩邸通因內
臣而上其變造作似是動皆符會上驚聞激怒下法吏議其罪諫
官伏閣爭不得公入侍密啓上意乃寬止於郡佐公實有力今李
崖州鎮劔南西川上言西蕃別屯以維州降帶甲之士甚銳其地
要害得之足以壯邊部徐圖河湟此其漸也上疑不決下南宮議
百執事皆是西川奏公獨曰國家近與昆夷歃血四鎮晏然今若
自虧大信大戎恃衆見詰渝盟彼直我曲未可量也上曰丞相之
言是詔還維州初德裕承藉地勢自負機術公介特素不與之交
及是大不平遂成宿憾公與李尚書宗閔同輔政出入殿省進退
有度上偏目公曰卿才類霍光異日可屬大事公懼滿辭位再陳
封章寵加端寮出鎮淮海不改相印再登將壇揚州當江淮之衝
習偷薄之俗公以清淨簡易化人移風俾及五年臻于至理倉庫
實禮義行刑措政成脫屣歸洛優詔屢降雅志不回拜檢校司空
東都留守文宗將有大制置大除授必降中使假於他方入皇城

官亦可獻可替否如在君前其信重也如此能以左僕射徵士人
就賜官告特明異禮公感恩雖厚退身愈堅一對而歸不詣相第
亦有中阻未諧人情又加相印出爲漢南節度使制出上海之欲
追成命公固辭上曰且不與卿周歲別出都門特賜清朝器六事
皆範金飾玉如古時製宣曰以卿精忠用以貺別寵待之禮當特
無儔公到襄州均并稅薄地征人用存悅咸歌來暮武宗初續極
聽信未一行險者乘時而起凶德參會倒置天下事清賢名輩多
被斥逐惟公位高德重最難搖撼晚齟齬幾至二年屬大水墜
居人廬舍公以實上聞仇家得以逞志舉兩漢故事坐災異冊免
降授太子太保俄又改太傅再臨東郊劉從諫死劉稹自擅以昭
義軍阻命天兵誅討五年方剋上喜甚素忌公者媒孽鍛鍊誣公
與從諫交上怒下詔旬日三貶公至循州長史鑿空指鹿四海之
士咸寃之公推運達命恬然如得好官時踰嶺越險一年在海上
無所苦今上即位大明善惡三遷至少保轉少師牽復高位分司
東洛池臺琴酒逍遙自娛賢士大夫尚其軌躅未半歲遘疾薨於

東都城南之別墅自嬰疾至于捐館談笑語言宴居自若口占理
命纖悉無遺上聞為之軫悼晷日不視政公卿相弔正人雪涕冊
贈太尉遣大寮弔祭公端明簡重忠厚誠懇平居私室如對大賓
不喜釋老唯宗儒教早與韓吏部皇甫郎中為文章友其名相上
下晚與白少傅劉尚書為詩酒侶其韻無高卑前後作鎮皆佩相
印辟署多名入難於進而勇於退儉必中禮貴而不奢知命達理
保和居易三領大鎮接護軍以禮貌不至交歡再入中書待樞使
以公平不容請託有恩必報有讎不校章崖州於公恩也嫁二女
歸各士薦長子登周行李崖州於公讎也郵竄謫之窮途厚供待
於逆旅其厚德歟亦難能也夫人同郡辛氏贈僕射祕之女賢明
懿淑稱於族姻有子五人曰蔚曰聚能嗣其業皆擢進士第蔚監
察御史叅使府協律曰奉倩洛陽尉二人未知名公以大中戊辰
歲十月二十九日薨以大中己巳歲五月十九日葬小年不佞早
栖門下考選第以殊等之科闕實筵忝入幕之吏國士相濕筆札
如周族歎者垂三十載刊石表德分地難辭公歷官三十一

作相一十九年建事六宗光輔四帝承主恩必由直道解相印
無罪名自少及長不失色於人佐時理家無悖入之化負持身不
履後道其吏嘗病在高位者不知止足終日抗論剋期拜章竟不及
年俾孤美志銘曰

公之生兮稟星辰兮之遺兮倅古人兮之才兮渾而真兮威且仁兮之文
兮班馬鄰兮之藝兮以真均公之儉兮自我身公之簡兮無雜賓公
之貞兮肅人倫兮之慎兮質鬼神公為相兮平如鈞公為邦兮政
如春公不幸兮罹數屯公無辜兮介于循天開日明兮堯舜為君
舉直如枉兮幽究必伸牽復高資兮言旋洛濱逍遙琴筑兮無異
隱淪屈指懸車兮歡然十旬素懷未遂兮美亦來臻悲纏冕旒兮
哀動摺紳寵贈加等兮冠于台臣有司職喪兮歸葬咸秦觀者數
息兮國人酸辛表安慶餘兮令嗣兢兢陳寔道廣兮門生振振乃
續微猷兮刻于貞珉碑生金字兮名德長新

齊成公神道碑銘并序

權德輿

有唐文學政事之君子曰相國齊成公諱抗字遐舉清方粹溫

矩秉彝明誠盡性切劑化育之道精義入神旁魄天人之際以事
事君以病乞身乃去台宰乃儕商皓然後撤琴瑟啓手足歿齒無
違德以從先大夫於九原易名曰成不亦宜乎公其郡人自太公
表東海相公匡天下為國為家或哲或仁烈祖贈太師府君諱漸
歷給事中中書舍人吏部侍郎止於平陽太守出入陟降中行山
立至今言開元名臣者稱公有遺愛焉實生先公贈國子祭酒府
君諱師履道貞厲仕至左龍武軍倉曹積厚於上流光於下其位
不充故大受於成公公既薨而孤哀過成人屬幽陵橫潰中夏如
燬奉太夫人安輿違難於越得子州支伯之故地而偕隱焉諱
某以順居息悅山水以資仁智方茂天爵用觀靈龜嘉招重問奔
走以狎至虛已弘道從容而翔集吳郡張相君謚方以仁義理澤
上得君為榮及進律于洪成師于岐累為命介苦贖育勸建中中
戎王請大和會以休寧西方右扶風締巨汧離地畫歐脫之成
命正其經界公實在中權登壇泚盟得其指數與之約結克就之
之會用銷邊鄙之警自解巾三選至中使御史領會法務

群兒肆毒天子夜義於甸內王公死難於理所百舍奔問至于行
宮拜侍御史有詔以蕭黃門復布凱澤于東夏命公為工部員外
郎以贊焉復命轉倉部郎中李懷光阻命于蒲連江未解中使
早經費不足轉粟饋軍濟時之難患求才急病命使以事至
部郎中兼御史中丞以董其任俄拜諫議大夫當軸者不相容坐
婚親細故出為處州刺史先是山越夜攘蕩覆城市公乃上勢勝
之爽塏因習俗之便安三時不害百姓皆作朝典陟明拜蘇州刺
史吳實劇部大田多稼浮淫冒沒吏禁或弛占者名數戶版不均
公乃閱其生齒書其比要強家大猾不得蓋藏介符單輕與之紆
息已日乃孚所猷茂焉遷潭州刺史御史中丞湖南觀察使以嚮
時二郡之理而弘大之其仁可知也左曹理本徵為給事中周郊
寄重擢為河南尹盜有宋瞿曇者白晝推剽為群偷囊粟三川
病之幾三十年公法令嚴具網羅張設潛捕魁宿使無遺類拍顧
之間擒搃如神乃作祕書章明文雅脩舊以起廢乃作太常統和
神人節事以辯志便蕃大濟其道乃光德宗皇帝方以堯舜氏

明之道馭天下用賢人充相位拜中書侍郎同中書門下平章事
熙九功之歌質百官之成損益文憲化裁形器精微以折中密靜
而不伐或事隱於造膝或言行於沃心初天官氏每歲去他曹郎
二人閱多士試言第其甲乙春官氏俾考功郎中選孝友之親故
者而進退之公以冢宰小宗伯為官人取士之本蓋天子有司之
重至於避小嫌亂舊章滴滋旁歧孰謂尚鑄蹇是蹇坦坦之道豈
如是耶然後闢康莊作衡尺遵公危之路去自便之私天下之人
謂之理道尋有詔修國史昔孔父無位以空文為一王法公當盛
明之代用宰司摠直筆其於褒貶勸懼明焉勸慮盡焉積成報志
累章乞告改太子賓客遭羅不淑贈戶部尚書時貞元甲申歲夏
四月春秋六十有五夫人河南獨孤氏某官某之女賢明公六繼
夫人蘭陵蕭氏某官某之女仁順有禮法嗣子誅銜恤毀瘠信公
裳唯以其月日附于東都其原喪祭哀敬君子以思有後唯公深
而通肅而寬出處動靜必以中正故用五事暢於四支資位儼格
尤長鑒哉在岐也薦齊思公侯在蕭也薦盧恭公邁皆至宰相其

性謙薦士為漢廷臣成天下重各碩望者不可勝書凡所論著
皆研幾析理弘雅夷遠洪川文宣王廟碑張蕭盧三相國碑誌本
聖人教化之贖推大政莫明之道固其性術講貫而發舒乎斯文
文集二十卷中論體斐蓋在是矣公薨五年餽調為洛陽尉永在
先烈未列豐碑以德輿夙承湖海之舊中忝掖垣之屬他日舉代
靡形語言獲於遺編實見陰德顧茲無似有玷知人濡涕含毫以
表幽宅銘曰

昔在營丘大風泱泱有倬平陽令聲章章不踐宰政慶貽子姓倉
曹含光大學追命厥生中書秉哲居正鵬起扶搖鸞鳴翔慶霄乃登
紫微以瑞清朝吉凶糾纏寒暑結轡其生有涯其用未極壽堂真
實宰樹森植揭茲馨香終古是式

文粹卷第五十七

碑九 熱士首

吳興姚

銘

纂

使

唐太尉中書令西平王李晟神道碑 裴度

唐檢校司徒中書令咸寧郡王渾瑊神道碑 權德輿

唐司侍中書令許國公韓弘神道碑 韓愈

節制

唐四鎮北庭行營節度使扶風郡王馬璘神道碑 常衮

唐贈司空范陽大都督忠烈公李愬神道碑 楊炎

唐贈梁州都督隴右節度大使郭知運神道碑 張詠

唐分寧節度使史孝章神道碑 劉禹錫

唐太尉中書令西平王李公神道碑銘并序 裴夢

惟天錫成命於我唐保茲國祚生此人傑則西平王李公其是乎

不然何覆暴如風振槁葉戴君若蒼頭村靈山松濟之中一王而定

公諱晟字良器其先隴西人後徙京兆曾祖高皇珉州刺史祖思

恭皇洮州刺史贈幽州大都督考欽皇左金吾衛大將軍隴右節

度經略副使贈太子太保代有名跡雄于西上公幼好學學不為

已及讀呂張孫吳之書慨然有經邦濟物之志不弱初遊秦涼間
元侯宿將見者咸器異之乾元初嘗客於都信西豪以缺守秦涼
殺掠平人公與所從十數騎馳而射之時直為魁首餘黨遂寇
所虜獲積如山公無所取推牛醜西士而去邦人感服且
狀以聞特拜左清道率節以金紫將朝京師自獻方畝歷為夷紛
擾有士急賢河隴將帥相繼表用歷二府右職所至以才謀為
其委重累遷至光祿太常卿階爵在第一品巫原四鎮北庭節度
都知兵馬使懸識虜能周知地形應變不窮有奪有待驥驟於而
莫展雲出岫而斯飛代宗徵以左金吾衛將軍為神策兵馬使屬
羌蠻犯蜀朝廷濟帥命公督禁旅絕棧道而往救焉公銜枚過險
出賊不意連下堅壁遂誅首惡還授檢校太子賓客且復舊職建
中二年田悅以魏叛德宗極意致討悉起徂征以公為神策先鋒
都知兵馬使加御史中丞與河東河南等道諸軍合擊公濟河而
行能以眾正及破洹水陣解臨洛圍轢魏蜀城抵燕通邑其摧鋒
劍銳皆先羣帥而實力焉遥拜左散騎常侍兼御史大夫厥功未

成聞賊泚肆逆皇居失守西嚮慟哭載馳驅行及代北授檢校
工部尚書充神策行營節度公提孤軍募散卒拊循訓勵以達行
存值懷光中叛大駕再遷加檢校右僕射餘如故尋轉左僕射同
平章事兼京兆尹神策軍京畿廊坊節度觀察使管內及兩華等
州副元帥公固守渭城決平秦壘調食制用先發我私捐其攻苦
皆自我始每一言一誓聲淚俱發勇夫義士感而使之蔑不濟矣
時自雍而東延于汝洛震於河汴所在征鎮亂掠相從公介臣盜
之間使聲援斷絕立成師之法致號令嚴肅蒐補十旬指揮一舉
乘墉竅而通軌道磔梟獍以清宮禁俾九市三條無輟肆之驚無
秋毫之犯羽書速告鑿輅矣歸廓氛禳為祥光據憂憤為喜氣詩
曰允矣君子展也大成斯之謂歟考古視今論功稱忠者多矣若
至危而安至難而易卓犖跨邁如公莫儔拜司徒兼中書令俄以
兇孽未寧邊防猶警岐下任重乃以本官兼鳳翔尹鳳翔隴右節
度觀察使及四鎮北庭涇原等州副元帥改封西平郡王加食邑
實封至一千五百戶公名懾戎王政和藩部始至而生植少安而

訓齊逮四載賦輿十倍其初會課入輔拜太尉中樞如故人或謂
公勲望已高寵渥已極宜從容頤養稍稍遜避公曰不然人臣外
則盡心若止偷榮孰為且哲故每承帷幄之問則言弗無隱理奪
不回大指以東夏可平西陲可復或已行而事終不顯或未用而
身遽不遺以貞元九年八月四日薨于江春秋六十七德宗撫几
哭於別次自都邑達關畿無士庶無老幼皆發哀相弔則曩時安
人戢兵之德可謂浹於元元之骨髓矣冊贈太師賻贈加等以其
年十二月十六日葬于高陵縣奉正原鄭國夫人杜氏祔焉自捐
寢至安宅皆上所辦護中貴反覆萬情所奉如不及焉嗚呼以公
之靜難扶傾不言所利雖存歿極位始終殊禮而天意若曰其福
享未至故迤延於後有子曰愿故檢校司空河中節度等使贈司
徒五列雄鎮三為上公曰聰故光祿寺主簿曰摠故太子中允贈
兵部郎中曰孫左神武大將軍贈洪州都督曰恕故光祿卿贈右
散騎常侍曰憑故右威衛大將軍曰憲檢校左散騎常侍嶺南觀
察等使進因賈胃達以善政曰愬故檢校左僕射同中書門下平

章事贈太尉克廣前脩仍執醜虜曰愬故渭南尉曰聽檢校司徒
義成軍節度使統戎按俗是以似之曰其志右羽林將軍曰熬嵐州
刺史並地勢吏用兼而有焉粵大和元年秋七月聽拜疏上言以
公之微烈則御製碑文於渭川矣以公之風度則詔命圖形於雲
臺矣唯大其丘龍鬱鬱彼松檟望有祁山之象拜無峴首之碑將刊
貞石式表幽隧乃命臣度稱代言詩其詞曰

建中季年大盜忽焉皇靈辟狄狩於梁川顧謂太師汝才汝略將
威致討以殄寇虐太師位素捐驅誓眾度其成城可以利用赫矣
鋪敷傳於墻垣手搏足躡衝如援一鼓而破一麾而奔掃清宮
闈利湯妖昏我師止我令行矣都人不知已事方喜飛章告慶
筋駕言旋鴻烈耀古謹聲赫天車服之錫河山之誓九命而俯一
心若厲俾佚於岐一安邊陲藩政既成衣職收宜獄降帝齎笑言
詭詞我后嘉猷我躬何為道直氣和勞謙終吉福履所綏未至萬
一上天不惠厚安端歸無裕流光用延恩暉翼子肥家將壇台席
繼立音功代傳休績聽海伯仲永懷高蹤請于朝廷表是丘封帝

或胡可不從宣我祖之不業暨爾父之嘉庸乃詔作銘以觀
億齡

唐故朔方河中晉絳鄉寧慶等州兵馬副元帥河中

絳鄉節度營田觀察處置等使元從奉天定難功臣

開府儀同三司檢校司徒兼中書令河中尹上柱國

咸寧郡王贈太師忠武軍公神道碑銘并序 權德輿

天地訢合以生百嘉其成歲功也則有震耀肅殺之助焉君臣保

又以熙百志其講武功也則有經綸翼戴之輔焉龍蛇起蟄山澤

通氣與運相值有開必先斯太師所以宣力四代稽慕七德輝耀

威靈動自澗化靈擊風行乃緝熙于光明故珣戈淑旂以嚴師律

黃統玄衣以正台曜湛露彤弓以覽報宴納書追命以榮恤禮蕃

錫始終如公之功公諱城字其其元夏妙之後為淳維漢劉之代

為渾即或強為與國或公徐姓貞觀中開置州壤就如官師曾祖元

慶各美躬韜衛將軍靈丘縣開國伯祖文壽皇太子僕贈尚書左僕

射考釋之皇開府儀同三司太常卿兼御史中丞寧朔郡王贈同

空惟靈立紹先公之職居次鄉之重僕射以積厚克家寧朔以偉

才雄邊貴仕崇勳乃列茅社流光追遠是加密印迴復介祉間生

元臣功昭于前人德合于大君建中癸亥翠華西狩公以大司馬

艱負翼從部勒戎車揣摩殺機勤勞行內為上心膂登壇授律誓

命交感如漢拜淮陰疾故事而又加焉乃進左揆遂系大政摠賦

輿而為之師長恢王略而以此北伐克黨盡銳辟于武亭公以事

鉅師老則傷威重正合奇勝在於疾力奮寡擊衆鼓行無前殲夷

潰溺如建瓴水中堅席勝又覆於咸陽長轂放行既門于延秋會

西平王以東諸侯之師清官獻捷公乃抑其賈勇須彼成功室士

心之剋伐息兵火之氣皎然後窮追斬級寇孽以平備法從於清

蹕捧大明於黃道告廟薦功登拜上台撫封尹正復與虜确時北

平王出大鹵收絳臺而公已總成師下左輔於是輯忠力揚奇鋒

復難宮拔堅壘衝陣厭境傳子甯津金鼓之聲氣相合山河之表

裏皆復渠魁授首師帥協附安流以濟方軌而前士不罹傷工不

易肆殄殺正刑四方咸辭論道進律乃平水土秉誼靖人以修班

制休嘉貫于草木利澤逮于鰥寡言為軍志動為吏師貞元景子
政成一紀進掌邦教遂居右弼十五年冬寢疾十二月辛未薨于
理所享年六十四皇上悼歎不視朝五日冊贈太師賻襚弔祠有
司備物大僚襄事明年二月甲申葬我大師于萬年縣洪固原太
常跡其功德奏謚曰忠武禮也初公年十一以門子仕于邊部未
弱冠五遷至左驍衛將軍始從朔方之師戰黑山次從龍右之師
摧石堡又嘗西出臨洮奪昆夷之善地而為之壁壘北絕大漠破
獫狁之堅甲而焚其廬帳又從汾陽王臨淮王討反虜于山東攻
贊皇北取真定射其特將李立節貫于左脅斃之又五遷至太常
卿皆以功次其間開地于河曲以靜九蕃宣威于陝西乃定三川
凡王師之所以剋獲都邑元老之所以發揚蹈厲公必居其先偏
而當其勅劇故以御史中丞為靈州左司馬以御史大夫為邠州
刺史以工部尚書為單于大都護專征上郡榆林之地入為左金
吾衛大將軍又以戶部尚書奉普王出車之重自時厥後投艱感
稟能納太忠以恤大事理滑十六年再陟公台以司空兼侍中以

兼中書令大乞麻官二十八次真食千八百室居節制者五
其新者四材力絕人始封樓煩方內治平乃進咸寧凡汾陽王
九伐之勳公皆左右四履之地公皆踐履憫冊師禮法謚尊名公
皆如之所不至者壽而已矣惟公厚性寬中智謀深靜秉義類以
狀明命植端誠以亂王隱講功述職遠意長利執德之柄蹈禮之
輿致其用以格天啟其心以沃聖協建皇極為宗工元龜雅好左
氏春秋班氏史得考父之恭范宣之讓驃衛之功略黃韓之教化
必嘗參太史公自叙著作行己一篇詞不矜大而事皆明備有子五
人曰殿中少監鍊太子中允錡太子司議郎鉅櫟陽尉綱雲陽尉
鐵著位于兩宮以奉朝請試吏于縣內以脩事任食德而才稟訓
而忠皆以純孝致其哀敬令弟輔國大將軍右領軍衛將軍武當
郡王玘與諸孤等推丞彝景鍾之義因職表以聞有詔詞臣刻石
傳信乃採其贊書侯表作神道銘銘曰
北戴斗極陰方尚武玄金朱轄錫命都府太師間代感會雲雨四
征庭人允合尊主昔未成童則能賜勤卓行深入致果忘身弱冠

摧鋒環列南軍中興之後書社策勳援起兩河轉戰三秦靈朔
邠所居心聞出統藩衛入司徵巡時丁既難節冠群倫通誅煽結
狂穢宮闈西平鞠旅公亦授鉞既臨延秋如火烈烈休士退舍時
惟不伐不伐洽濛濛蒲津未通北平釋位公實撫封昏命長春克成
厥功開壁勞軍靡有不同以律則臧在和而克時惟太師有嚴有
翼乃敷仁澤乃布條職時惟太師有功有德三公二府是將是陟
襍印易名以尊以飾材官介士函簿悽惻大墜鮮原中南之北萬
邦作憲永代是式追琢馨香與唐無極

唐司徒兼侍中中書令許國公贈太尉韓公神道碑
銘并序

韓愈

韓姬姓以國氏其先有自潁川徙陽夏者其地於今為陳之太康
太康之韓其稱蓋久然自公始大著公諱弘公之父曰海為人魁
偉沈塞以武勇游仕許汴之間寡言自可不與人校衆推之為長
者官至游擊將軍贈太師娶鄉邑劉氏女生公是為齊國夫人夫
人之兄曰司徒玄佐有功建中貞元之間為宣武軍帥有汴宋亳

潁四州之地兵士十萬人公少依舅氏讀書習騎射事親孝謹偏
偏自將不縱為子弟華靡邀故事出入敬恭軍中皆目之嘗一抵
京師就明經試退曰此不足發各成業復去從舅氏學將兵數百
人悉識其材鄙怯智勇指付必堪其事司徒奇之上卒屬心諸老
將自以為不及司徒卒去無宋南城將以六七歲汴軍連亂不定
貞元十五年劉逸淮軍皆曰此軍司徒所樹必擇其骨肉為
士卒所慕賴者自之公見在人莫如韓甥且其功最大而材又俊
即柄授之而請命於天子天子以為然遂自大理評事拜工部尚
書代逸淮為宣武軍節度使悉有舅氏司徒之兵與地眾果大悅
便之當此時陳許帥曲環死吳少誠反自將圍許求援於逸淮啗
之以陳歸汴使數輩在館公悉驅出斬之選卒三千會諸軍擊少
誠許下少誠失勢以走河南無事公曰自吾舅歿五亂於汴者吾
苗穉而髮櫛之幾盡然不揃刈不足令震駭命劉錡以其卒三百
人待命于門數之以數與於亂自以為功并斬之以徇血流波道
自是訖公之朝京師二十一年莫敢有讎也呼號于城郭者李師

古作言起事屯兵于曾以嚇滑帥且告假道公使謂曰汝能越吾
界而為盜耶有以相待無為空言滑帥告急公使謂曰吾在此公
無恐或告曰剪棘夷道兵且至矣請備之公曰兵來不除道也不
為應師古言窮蹙索遠延旋軍少誠以牛皮鞵材遺師古師古以
贖贖少誠言過公界覺皆留輸之庫曰此於法不得以私相餽田
弘正之開博李師道使來告曰我代與田氏約相保援今弘正
其非族又古變兩河事亦公之所約我將與成德合軍討之敢告
公謂其言曰我不知利害止知奉詔行事耳若兵北過河我即東
以兵取博師道懼不敢動弘正以濟誅吳元濟也命公都統諸軍
曰無自行以遏北寇公請使平公武以兵萬三千人會討蔡下歸
財與糧必濟諸軍卒擒蔡故於是以公為侍中而以公武為鄜坊
丹延節度使以師道之誅公以兵東下進圍考城克之遂進道曹
寇乞師曹既平公曰吾無事於此其朝京師天子曰大臣不可
以暑行秋之待公曰君為仁臣為恭可矣遂行既至帶馬三匹
匹錦絨綉纈三萬金銀器千而沐之庫餼錢以萬數者尚餘百餘

綉亦合百餘萬匹馬七千匹糧三百萬斛兵械多至不可數初公
有汴承五亂之後掠賞之餘且斂且給恒無宿儲至是公私充塞
至於露積不恒冊拜司徒兼中書令進見上殿拜跪給扶贊元經
體不治細微天子敬之元和十五年今天子即位公為冢宰又除
河中節度使在鎮三年以疾乞歸復拜司徒中書令病不能朝以
長慶二年十二月三日薨於永崇里第年八十葬朝三日贈太尉
賜之布粟其葬物有司官給之京兆尹監護明年七月某日葬于
萬年縣少陵原京城東南三十里葬國夫人翟氏子男二人長
曰肅元某官次曰公武某官肅元早死公之將薨公武暴病先卒
公哀傷之月餘遂薨無子以公武子孫紹宗為主後汴之南則蔡
北則鄆二寇患公居其間為已不利其身後辭求與公好薦女請
昏日月既至卒不可得則飛謀釣誘以間樂我公先手後情壞其
機牙姦不得發王誅以成取功定次孰與高下公子武與公一
時但授弓鉞處藩為將疆土相望公武以母憂去頭公母弟充自
金吾代將渭北公以司徒中書令治蒲于時弟充自鄭滑節度平

宣武之亂以司空居休自唐以來莫與比公之為治嚴不為煩
止除害本不多教條與人必信吏得其職賦入無所漏失人安樂
之所在以富公與人有軫域不為戲狎人得一語重於金帛之賜其
罪殺人不發聲色問法何如不自為輕重故無敢犯者其銘曰
在貞元卅六兵五御將得其人眾乃一信其人為誰韓姓許公際
其象狼養以兩風桑穀奮張歌壤大豐元元孫命止我宇公為
臣宗處得地所何流兩第寧運為群雄皆傑首是身公居其
間為帝司其察其嚙呷與甘我明左顧矣視右顧而跟蔡先軍鉏
三年而墟樞乾四呼然莫敢濟常山幽都執執扶天施不留其
討不浦言預焉其二言何如也西之既廣既長無有外事朝廷
之治許公來朝車馬下戈相十壯乎威儀之多將則是矣相則三
公釋師十萬歸居堂上之宅憂公讓太宰養安蒲坂萬邦絕等
有弟有子提兵守藩一時三侯人莫敢叛生莫與榮死莫與今刻
文此碑以鳴厥慶

故四鎮北庭行營節度使扶風郡王贈司徒馬公神

道碑銘并序

常袞

皇帝使常侍以故征西扶風郡王臣璘功行之錄詔門下侍郎平
章事臣袞曰古諸侯大夫計功稱伐書于太常勒之彝器德勲高
故其文懿事業實故其言遠有國之大經也納忠于王室豈衷紀
之禮闕歟宜文其頌聲以昭示承休于豐碑焉臣謹按司勳之戎
籍史官之年表而叙之云聖上稽黃虞之道以武功文德統御天
下赫赫明明罔不率俾唯大戎自壇痖于我西土而猶懷以威德
久而侵驕時乃大稽命將考之令典惟三年夏六月庶邦百辟洎
侯王列將咸會于明庭乃大誥于爾在位有能典我西師僉曰璘
哉是用詔以鷹揚之命於夏有鸞旂瑠戈之賜公拜手稽首不敢
辭難遂師師朝那弭節涇流恢耀武威以臨于戎狄既至乃以戎
服立于軍門之外奉敷夫子之威命而訓于將軍列校六正五吏
三軍之大夫曰惟昔盛明必有憂難其在殷高宗也有鬼方之征
其在周文祖也有昆夷之患秦以安定北地戎狄內侮漢以金城
隴西氏并入投故遣率以守衛中國脩戰而高尚武力國家道德

盛於殷周甲兵富於秦漢亦有邊患尚勞睿謀則疆臣之罪也將
何以塞責誓將上奉神武之筭下馮戎士之力鼓行而前殄殲群
慝詞情抗厲風雲動色於是軍舉法以誓之令簡而一衆畏而服
雖嗷嗷老將聞而竦然乃周覽其山川以備其戰守有若犀兕其
威驅豸其勇屹立而不動者持重之將統焉禦于木破之衝蒙輪
超乘縵胡突鬚眈眈而橫奮者雄毅之將董焉捍于瓦亭之陰輕
軒飛翰闐闐桓桓隸於射聲校尉以出松谷百夫之特萬人之敵
屬於車師後部以殿銅城火渠門之旗舒於大回川雷密須之鼓
殷於都廬山周之以木樵校懸布之以隴石渠答部勒既定天地
肅然遂使壯健氣索猛勢魂駭却略引去不敢近塞故八年之間
再交而已此皆親稟睿路協用武經前後獻功悉如宸旨方將大
復流沙遠收故地奪我良將周卒西事以大曆十一年月日薨于
戎府春秋五十六天子廢朝而歎曰安得雄邊威敵之臣如扶風
乎遣中命以迎喪顧近侍而流涕其至第也百官會弔其遣奠也
五校啓行賙以車馬含有具玉所以褒大勲也初公自二庭統甲

士三千赴鳳翔行在遂陳成之策先皇帝奇之曰吾無憂於東
方也遂戰青渠陣澧水收二以復三川衛南以百騎破五千河陽
以一旅摧十萬史朝義乘舟自將大戰却山國家以天下勁兵夾
攻未動公獨率所部不陣而馳偃旗先登闖死虜虎鬪酣披靡橫
貫而出迴戈奮擊虜陣始破交突動合軍輿於大順時副元帥太尉
光弼壯之曰五十年未見以少擊衆雄捷之若此每有征
伐大計悉咨焉斯亦群帥之傑旣而移軍右輔疾援河西固已
離之心存將棄之地及聞僕固懷恩之變即日旋師萬類千群延
蔓山谷輒行轉鬪虜殺而歸屈于岐都寇已四合公乃持蒲外嚮
坐入懸門未及解甲背城出戰戎師北走數騎前追皆血橫灑朱
殼金甲榻戟而墜應絃而倒者數千萬人可謂三軍之絕也至於
理鄭國撫頰封化卽邠寧上郡勤於藩職惠於長人勞徠流庸贍
卹孤老練綜綿纒工於織紉入而有制故大東之刺不作禾麻菽
麥業於播藝用之有節故自北之化可懷此又列郡之率化也公
字某扶風人也自秦漢至於國朝公卿大將軍通侯二千石踵武

王室休有烈光曾祖昭朝散大夫新豐縣令祖正曾右威衛將軍
扶風郡公贈光祿卿父晟左司禦率府兵曹參軍贈太子少保忠
孝在門文武繼代官婚之盛士族有輝惟公勳胄華茂雄姿高爽
少有四方之志以才氣自任擺落凡洛不嬰細微故弋獵敗魚嘯
咤川澤年二十讀伏波傳至大丈夫當於邊野以馬革裹屍而還
慨然而歎曰豈使吾祖勳業墜于地乎由是憤憤邊戎徘徊孤劍
遂西至絕域以奇功累授裨將歷金吾將軍殿中監太保御史中
丞遷御史大夫領北庭行軍使邠州刺史加工部尚書節制涇原
以鄭穎二州隸之尋拜右僕射知省事首至儀同進封異姓副軍
以降略而不書以英明之識遇聖明之君以得竭其智謀極其任
遇抗大節以激危難據汝仁以庇有力戎公之理軍也以穰苴兵法
孫子十三篇先以正合終以奇勝歷廓深遠應變無端與之安與
之危故可合不可離同其敗同其成故樂死不樂生至於木罌濟
河登山拔幟解鞍而卧鞭馬而馳兼之有餘亦不差異嘗以家財
二百萬贍三軍與其散已食於行伍陳賜金於廊廡何相去之遠

哉公之事君也奉之以實納之以忠造膝前籌詞禮明順檢身
過恭謹畏慎祿賜所加則受小辭大任使所及則履險讓夷以忠
材而親重有絳侯之遇也以簡質而倚愛有吳漢之信也所謂國
之神將朝之蓋臣終慶於家永於福祚鍾石享於祖考帶礪傳於
子孫宜哉嗣子肝等重族之盛諒業承家哀哀執喪痛結天壤萬
家葬地能誠昔賢千里丘封亦非遺志獲承君命欽率朝經請謚
嘉名謂之合禮銘曰

峩峩雍城積高氣靈氣主金行良將乃生琅琅司徒雄略縱橫眈
眈其視震震厥聲四方靜難二紀操兵初奮厥武車師戎府鐵馬
蛇矛大黃白羽天山瀚海歎薄風雨驍騎三千披荆謁主從我撫
軍擊胡滅虜迴戈涼野解敵歧下列烈英風橫飛西土遂佩珩璜
分雄桀戰寵臨方鎮廼蔚廼赫洪稜遐振虜氣外折惠化滂流人
心內結昆夷先零白旆至涇受筭宸宸朱旗撫征密陰前塞義渠
故城丘巒陵谷遠近相屬澶漫傾合紆餘迴復野戰高秋金羈馳
逐三揮右射虎捷神速番渠愕視百姓推伏國于扶風也爾嘉唐

位長庶察薦行三公王用蕃錫我有鼓鍾叔父昆弟燕私邕邕功
成身歿寵厚厥終周漢二宣皆有勞臣北征西討出車騶駟今我
司徒實同厥勳勳在王室光昭後昆

唐贈范陽大都督忠烈公李公神道碑銘并序 楊炎

秦霸也張祿去魏漢興也淮陰離楚龍鳴風雨之會蛇變泥蟠之
中逶迤感通精氣相合斯宜契也豈人力也皇唐贈司空范陽大
都督李公諱楷其本出於隴西八代祖節後魏雁門太守燕齊之
亂族沒鮮卑東遷號良將之家北部實大人之種其生激碣其居
戴斗海塞迥抱與公之氣天星下直為國之祥英氣混茫能據龍
驤望其形得山河之狀觀其銳見金鼓之威神明為徒義勇為器
久視中以驍騎歲入于遼西臨太原南震燕趙雲火昭于河上元
兵宿于北門朝廷憂之有命招諭合以信誓際于天人話言感寤
撫劔歎息是歲以控弦之士七百騎垂橐入塞解甲來朝以其本枝
復賜李氏授玉鈴衛將軍左奉宸內供奉圖形雲閣之中置酒
萊之上君臣相賀羽衛生光君子曰片谷不可以濟龜龍蟻垤不

可以戴於栢漢於是始靖虜於是始息身後殫韎謁下鳴錄之
覆探胡于榆關之外北出障塞懷其王庭南救河源復其死地石
壑之役以一旅定三軍冷陪之師以虛聲破精勁東封之歲外將
天軍河湟未寧西護監牧雲麾鐵騎山動地踴右據清海北登狼
山冰泮則會師風高則出塞皇威振于四海王化敷於無外故得
大命三錫天馬駘駘定國難者兩朝拖袂服者四紀會兵車者百
勝出帳下者千人國有事未嘗不勤勞無私可謂知禮於戲天道
曖昧胡星未殞以營平之年不終大用以伏波之病再出窮荒天
寶元年五月二十日自河源薨于懷遠縣之師次春秋六十七贈
營府都督明年詔葬于富平縣壇山原維公智之大竇神之異門
心和體剛慮遠精微思乎耳目之外行乎變化之中震呼戎獯嘯
吒風雲豨虎之得以此日萬之強以謀勝故鮮卑因之以疲中
國天后取之以空大漠中宗開朔方之地四百里於睿宗食佐
命之邑三千六百於玄宗 諸戎之西南北動罔不剋禦
戎安邊凡十命焉祚于後也元子六尉中 令東都河南江淮等

道副元帥臨海郡王光弼少子太保御史大夫渭北鄜坊等州節度使武威郡王光進資河圖以列四星遇英主而當三傑肅宗之功復區宇更爲相文今上之道訓華夷並爲召畢乾元中天子以公炳德不赫積仁濟濟大福再成沒而不朽乃命太常追考功績謚曰忠烈贈司空范陽大都督夫人贈號韓國夫人於是建廟堂命宗紀室有山龍之服樂有鐘石之和昭宣令圖是有銘篆銘曰茫茫上象降精于比是生純臣其在異國矯矯府君蔚其英靈蛇蟠斗極鵬化南溟來于本邦會此天庭風驅虎旅晝食狼星綿綿塞草天隔華夏北距陰山野無胡馬殊勲大績玉劍玄社天摧武庫海折崑崙在昔遺慶惟魚臧孫曰聖在天勤于至道既命太尉又崇太保一門四龍二作元老赫赫元老氣含清真白髮重冠馬堂有親帝命韓國節于夫人亦詔前位下龍明神彼丘之榛此石之磷悠悠令德萬古清塵

隴右節度使韓公神道碑銘并序 張說
四序平分清秋之氣動于 俗曉之人武故隴上多蒙山西

出將其有雲龍感召星象特生金敢登壇隱如敵國摩幢拍塞自比長城得之於太原公矣公諱知運字逢時其先太原著姓今則晉昌人也本平文王之弟是爲虢叔號或云郭因而氏焉自燕昭尊隗以築宮漢祖封亭以列國其侯于陽曲宅彼太原舊矣亭之玄孫友從太原從隴西昭帝分隴西置西平郭氏又爲郡之右族友之昆孫武威太守憲憲之猶子散騎常侍芝俱有名跡見於魏晉則晉昌諸宗散騎之後也爾乃一門連譽時人號曰三儒四海齊名天下謂之八凱光祿派分於馮翊廷尉世茂於潁川孝則天錫金忠則帝章冕服仁則猛獸不害信則童兒不欺豈直介休見有道之碑洛陽聞立德之傳而已曾祖欽瓜州大黃府統軍上柱國祖才朝議郎瓜州常樂縣令上柱國父師朝散大夫上柱國贈伊州刺史積鹵之地戎馬生郊業戰鬪而弘勲仕州縣而爲達啟皇京之繇福不在於其身積無聲之善慶必流於後嗣公太白之精雷泉之靈雁家之禎爲國而生身長七尺力能扛鼎猿臂虎口虬鬚鸚麟射穿七扎劍敵萬人子卿陔逢遙識將軍之相唐舉

一見足辨封侯之骨解褐以善戰授昭武校尉秦州三度府左果
毅以敗狄北庭加游擊將軍沙州龍勒府折衝兼右金吾即將瀚
海軍副使以軍界破虜即授其州刺史進富軍經略使朝廷以未
愜前除且有後命遷本位中郎將仍舊為川軍使默啜之殺北庭
也公奉命解圍軍聲大震加雲麾將軍右武衛將軍封介丘縣開
國公食邑二千戶開元二年吐蕃入隴右掠坳牧公兵以奇勝寇
不復蹤積甲山齊而有餘收馬谷量而未盡歸功廟筭朝議多之
拜羽林將軍持節隴右諸州節度大使兼鄯州都督河源軍使鎮
西陲信國之藩屏坐北落亦王之八牙故入奉期門而出寄分閫
於是料敵無備間其師老潛軍一舉大俘九曲鑠甲文劍棘馬犂
牛既獻戎捷遂頒朝賜乃兼鴻臚卿攝御史中丞封太原郡開國
公加前食邑三千戶執憲摠軍典屬乘障增爵益邑遇厚恩深俄
而六州羣胡相率大叛命公統隴右之騎濟河曲之師鋒鏑爭先
玉石俱碎拜右武衛大將軍授一子官金銀器百事雜彩千段班
師臨洮遘茲虐疾嗟乎兩奴未滅宿志不申生也有涯死而猶視

開元九年十月二十二日薨於軍舍春秋五十有五蕃寇
鎮血面摧心悲慘風雲號慟山谷豈非良將視人如子人亦
視猶父乎皇帝憫焉詔贈涼州都督米粟五百石錦帛五百
段命都水使者張景佚備物護葬遵朝典也惟公氣猛而性
和量寬而猜銳沈謀可以掩著蔡雄斷可以奪鬼神故常糟
粕韜鈴芻狗風角然其樹恩結信立威用武烜赫如風濤震
盪如雷雨戰必克攻必取每有奏謁帝特稱數孝文之得魏
尚虜不足憂太祖之見郭嘉知成吾事前後錫錦衣寶帶文
馬素女爛其盈門長鳴在廐感知已之主陳必死之力皇情
西顧則九羗豐鼓詔書北伐則六狄焚旗上成聖君之玄鑒
下効武臣之素節其竟也如此夫為人子立廟致敬祖考來
歸義方於先人揚令名於後代可也嗣子英傑起復定遠將
軍左領軍衛翊府中郎將假紫服金章河西節度副大使英
奇朝散大夫前尚輦奉御英協游擊將軍前京北府屬行府

右果毅都尉英彥朝議郎前左衛曹參軍等咸善居喪而過哀或從王事而奪禮則知辛賢父子繼位將軍祭彤弟兄並參師律去本不戀達也而新是謀權也嘉此武功創其宅兆以十年七月葬我太原公夫人燉惶索氏祔焉禮也皇上念功功惜逝厚終以遇存有詔詞人為其碑誌介士送葬即封征虜之墳單于入朝當祭度遼之墓銘曰

恍恍將軍雄略冠群平西征北震戎懾獯亭障卧鼓屯田饋軍仗此白刃致彼青雲郭侯宴喜既多受祉玄壯黻衣清廟蠲祀鼎食金奏炮鼈膾鯉既來不庭有嚴天子流沙博望羽林飛騎河曲迴兵臨兆舊耻手握金節魂沈王帳千里迄喪三軍悽愴詔葬禮崇恩碑義豐生為神將死為鬼雄身世一滅榮華萬空祁連之墓長於武功

唐故祁寧等州節度觀察使朝散大夫檢校戶部尚書兼御史大夫賜紫金魚袋贈右僕射史公神道碑

劉禹錫

僕射名孝章字得仁本北方之強世雄朔野其後因仕中國遂為

靈武建康人曾祖道德贈右散騎常侍封懷澤郡王祖周洛銀青光祿大夫檢校太常卿兼御史中丞北海郡王贈太子太保考憲成早以武勇絕人積功至魏博節度使以終于河中晉絳慈隰等州節度觀察使檢校司徒兼侍中河中尹贈大保其薨也大臣中書令晉國公裴氏為之碑其名益顯公即侍中之元子母曰異國夫人李氏幼而聰寤父母賢而加愛焉及長好學遷善秀出儕輩鄴下諸兒號為書生元和中太尉勳為魏帥下令掄材出轅門取大將家翹秀者為子弟軍列于諸校之上公獨昌言願効文職太尉深奇之遂假魏州大都督府參軍長慶二年常山眾叛害其師沂國公田司徒于帳下沂公發迹于魏人猶懷之詔命其子布以尚書授錢統魏兵問罪于北疆且報家禍布既啟行士氣不振渙然內潰獨與兀從之旅偃旗而歸百憤攻中卒自引決先侍中時為中軍都知兵馬使兼御史中丞全師在野開然推戴之請為假侯以鎮定中貴人飛駒上聞穆宗夜召翰林學士草詔書以真侯命之實有魏士從衆而合權也是歲公自攝官轉本府士曹參軍兼

監察御史賜朱衣銀印推恩以及子也一旦跪于父母前進苦言曰竊惟大河之北地雄兵精而天下賢士心悔之曰河朔間視猶夷狄何也蓋有土者多乘兵機際會非以義取今臣家父侯于封化為貴門君恩至矣非折節礪行彰信于朝廷無以弭識者之譏寤明君之意節著於外福延於家乘時蹈機不可旋踵言訖泣下數行父俞母贊天性交感三心既叶萬眾潛化天子聞而嘉之曰彼真有子乃授檢校太子左諭德兼侍御史充節度副使累遷至散騎常侍兼御史大夫賜金印紫綬三軍之政事如命卿弛張損益所以參決潛革故態人知嚮方大和二年滄景節度使李全略卒其子同捷竊據故地詔下以文告弗革遂用大刑先侍中表請率先諸侯使元子以督戰制曰可公承君父之命乃捐其軀一舉而下平原壓滄壘由是加工部尚書及王師凱旋上表願一識承明廬詔允遂走關下得覲便殿上曰嚮吾始征滄州議者皆曰彼魏之姻也慮陰為殺謀吾發使數輩以偵之其還也僉曰爾父誣款于實延爾母抗詞于簾下願絕姻以立功其經始啓發出于

爾心今滄海砥平策勳之日宜貴爾三族命爾父為侍中遷鎮于近地加爾禮部尚書析相衛澶三州為鎮以居之俾爾一門大采以誇天下公拜稽首謝父遷讓已爵禮無違者翌日詔見于明庭人咸曰史氏之寵光古無有也牙旗碧幢方指東道侍中以帳下生變聞泰極而不當歌而哭迎樞于路仰天長號因葬于洛陽之邱山異國夫人附焉寢苦枕塊以所仇同天為大酷未幾詔舉金革之義起為右金吾將軍累表陳乞有司以違命督之輿疾即路間歲擢授鄜坊丹延等州節度觀察處置等使居四年遷鎮于滑一歲入為右領軍衛大將軍旋改右金吾大將軍又授鉞于邠土孟秋至治所首冬遘疾拜章入覲不克展和鸞修革革之儀薨于靖恭里之私第享齡三十九當開成三年十月二十日上聞而悼之不視朝一日贈尚書右僕射明年二月歸葬于洛都夫人瑯琊王氏附焉繼室深澤縣君博陵崔氏有一子曰渙上七年而孤僕射之喪自復魄至葬當門戶備祭祀建碑表皆縣君之能且命其家老具事功來請發不恤家而憂幼嗣不知其先人之官業乞辭

以傳千後也君子以為知禮謹書之銘曰
斗極之下崆峒播氣終于侍中孔武且貴奉一致命宜昌後嗣僕
射承之良弓不墜耳煩鉦鼓心悅文字虎兇之中生此騏驎大和
紀元滄景不虔三弄父兵跳踉海壖有隣陰交蝟起雞連詔下薄
伐良隅騷然時惟侍中實統魏師首銳未發衆心危疑僕射為子
陳謀盡詞興言涕零有感尊慈絕姻効節精貫神祇滄波底寧王
命褻之乃遷元侯來鎮近畿乃祚元子別建旌麾一門四節輝耀
當時倏忽變生魏郊紛披喬木雖大盲風不知干雲之臺烈缺焚
之哀哀孝嗣丁此大酷迎護幃幃葬于東洛訴天觸地血染縷服
禮有金革詔書敦促不遂枕戈驟膺推轂雕陰白馬暨于邠谷雖
榮三鎮不荷百祿綺紈之間珪組壘壘如彼晨葩日中而萎有妻
名家有子稚齒行號執禮歸室高里洛水之陽脩邛之趾尊卑穆
敬幽顯同理舊松新柏亦象橋梓刻石紀功垂于萬祀

文粹卷第五十七

文粹卷第五十八

碑十 七首

吳興姚

鉉 纂

廉官

唐刑部尚書致仕白居易神道碑 李商隱

唐吏部侍郎奚陟神道碑 劉禹錫

唐左拾遺翰林學士李太白新墓碑 范傳正

唐吏部郎中高都公楊仲宣碑 席豫

牧守

唐常州刺史獨孤及神道碑 崔祐甫

唐饒州刺史吳丹神道碑 白居易

唐和州刺史張擇神道碑 白居易

唐刑部尚書致仕贈尚書右僕射太原白公墓碑銘 李商隱

李商隱

公致仕刑部尚書年七十五會昌六年八月薨東都贈右僕射

十一月遂葬龍門子景受大中三年自潁陽尉典治集賢御書侍

太夫人弘農郡君楊氏來京師解解兢奉公之遺畏不克既乃

件右功世以命其客取文刻碑文曰

公字樂天諱居易前進士避祖諱選書判拔萃注祕省校書元年對憲宗詔采語切不得為諫官補整屋尉明年試進士取故蕭遂州泚為第一事畢集賢校理月中詔由右銀臺門入翰林院試文五篇明日以所試制加段佑兵部尚書領涇州遂為學士右拾遺滿將擬官請掾京兆以助供養授戶曹時上愛兵襄陽刑州入疏獻功在約束外公密詆二帥且曰非善良後雖與宰相不厭登禍其後禮官竟以多殺不辜謚于頔為厲李師古襲父事逆務作項領以謾儉曹上錢六百萬贖文貞故第以與魏氏公又言文貞第正堂用太宗殿材魏氏威賄鋪席祭其先人公雖窮後當有賢即朝廷覆瓦魏氏有分彼安肯入賊所贖第耶上由是賜錢直券以居其孫在職三年每讎見多前笏留上輦是否意詔別秩摩皇及少年見天下無一事五年會憂掩次廬墓七年以左贊善大夫著吉武相遇盜殊絕賊棄刀天街日比午長安中盡知公以次紙為跡言元衡死狀不得報即貶江州移忠州刺史穆宗用為司刑員外四月知制誥加秩主客員守中書舍人叙緋受自起田

孝公伐恒陽孝公行贈錢五百萬拒不內燕趙相殺不已公又上疏列言河朔畔岸復不報又貶杭州既至築堤扞江分殺水孔道用肥見田發故鄴侯必五井濟儲甘清以變飲食循錢塘上下民迎禱祠神伴侶歌舞從右庶子出蘇州授祕書監換服色遷刑部侍郎乞官分司得太子賓客除河南尹復為舊官進階開國九年除同州不上改太子少傅申百日假又二歲得病薨官白氏由楚入秦秦自不直杜郵事封子仲太原以有其後祖其鞏縣令考季庚襄州別駕贈太保一女妻譚氏始公生七月能展書指之無二字橫縱不誤既長與弟行簡俱有名故奈刑部建度左丞敬休友最善居家以戶小飲薄酒朝望晦輒不肉食獲鄧同韋楚白服遊人間姓名過海流入雞林日南有文字國為中書舍人三日如建中詔書上鄭公覃自代後為相稱質直文宗時文貞公果有孫起使下數歲至諫議大夫賢可任為今上御史中丞他日景受嘗跪曰大人居翰林六同列五且為相獨白氏亡有公笑曰汝少以待其曾祖弟今右僕射平章事敏中果相天子復憲宗所欲得開七

關絳城守四州以集巨伐仲冬南至備宰相儀物擊跪齊葉給事
寡嫂永寧車中有兄弟家指嚮健慕以信公知人集七十五卷元
相為序系曰

公之世先用談說聞肅代代優布蹤河南陰德未校公有弟昆本
跋不搖乃果敷舒匪路匪臆意為介其醇腴于鄉泊邦取用不窮
天子見之層陞玉堂徵徵其中上汰唐禹帝為輦留續緒屢續歲
終當遷戶曹是取擘白其華鱗不痕緇黜用從棄遣至道天子疇
誰與伍率中道上納筆攝麾綽三郡理既去刑部修束其居大尹
河南則其基通君有三輔臣有田畝臣哀君強謝不堪守唼啣伸
伸君子之文不潛不怒惟君子武君子既貞兩有其矩孰永厥家
曾祖之弟坤柄巽繩以就大計匪哲則知亦有教詔益哀其收摠
羨而道刻詩於碑以報百世公老於東遂葬其地

塲子辭

弘農楊氏

予有令子儉衣削食以紀先功志刊石貞彼蒼不遺俾善莫隆今
子建立痛冤無窮

唐尚書吏部侍郎贈司空奚公神道碑銘

嗚呼有唐清臣尚書吏部侍郎奚公貞元十五年十月甲子薨于
位詔禮部尚書太常考行謚曰其是歲臘月丁酉葬于萬安縣
之其原後三十有四年子為諸侯為大夫門戶有煒於是門下生
琢石紀德揭于新阡公諱陟字殷衡其先在夏為直正以功封
于薛下古以降為誰郡人或因仕適楚復之秦今為京兆人隋唐
之際再世以明經為博士家有賜書曾祖簡亦以文學為太子司
議郎太父乾繹仕至光州刺史烈考諱某有道而尚晦終徐州司
功參軍贈和州刺史由子貴也天以大運生萬物而以正氣鍾賢
人至和來宅其德乃具公實有焉勿而擢陵茗之秀長而成清廟
之器群倫月日感以流變之及從鄉賦泊昇名太常果居上第明年
詔郡國徵賢良設四科以盡材公居文詞清麗之目授弘文館校
書郎時德宗新即位聲烜虜庭西戎畏威底貢內附詔諫議大夫
崔河圖持節即虜帳以報之使臣欲盛其賓寮以自大遂嘿表公
為介授大理評事除書到門公方為人子不敢許以遠稱病弗果

行歸寧壽春養志盡敬丞相楊炎勇于用才擢公為左拾遺奉安
輿而西未幾再集茶棊居從後喪將闋是歲建中四年京師急變
黃屋順動狩于巴梁公徒行閒道以歸王所既中月而詔授起居
郎充翰林學士創鉅愈遲病不拜職改太子司議郎從大駕迴入
尚書為司金元士且參權筦之務有頃持愍冊宣恩于蘇門將行
錫銀朱于青蒲上復命稱旨轉吏部外郎是曹在南宮為眉目在
選士為司命公執直筆閱簿書紛挐盤錯一瞬而剖時文昌缺左
右丞都曹差重遂轉左司郎中尋遷中書舍人執事者駭公識精
以斟酌大政非獨用文飾也會江淮間民被水禍上愍焉特命公
宣撫之許以便宜及物亦重所至如東風變枯條其利病復奏咸
可轉刑部侍郎時主計臣延齡以險刻貴倖而與京兆尹相惡以
危事中之尹坐譴已又逮繫其吏峻繩之事下司寇主奏議者欲文
致而甘心焉公侃然持一平挫彼嶽嶽君子聞之善其知道不私刑
曹既清以餘刃兼領選事者一年授權知吏部侍郎又一年即真
是秩言能審官者本朝有裴馬盧李四君子物論以公為焉特得

疾發癰有國醫方古禁中上促遣如第且飭之曰某賢臣也悉行

以治之及有司以不起聞震悼加等娶瑯琊王氏石泉公之曾孫

友壻皆一時彥士長子某又與不祿第二子敬則歷大僕少卿今為

濮州刺史兼御史中丞賜金紫以連最就加貴秩俾視九卿第三

子敬玄以詞藝似結璵登文科歷左補闕今為尚書刑部郎中第四

子尺舉進士最小子某咸砥礪慕脩官為名公家子其邁德垂裕之

光乎公少以名器自任及顯達急於推賢視其所舉則在西省薦

權丞相由右掖掌訓辭在中銓去揚僕射由地曹綜吏部二公後

為天下偉人凡執文章權衡以揣量多士一入中禁考策詞三在

天官第章句披沙剖璞由我而顯者落落然居多推是風墜移于

大治則鎔範之內無非祥金嗟乎天不遐其福而孤民望使由吏

之什不作於貞元中惜也初公既終詔贈大宗伯後以第三子存

郎位被霈澤再追襲至司空故昔之葬儀用常伯而今之碑用三

公玄銘曰

仁麟智龍為瑞一辰未若君子瑞于人倫惟唐德宗道類漢宣督

責繩下風稜言言公丁斯時籍在僑賢從難表節執羈而還帝曰汝器黃流瑟然可爲大僚左右化源乃飾王度乃馳轡軒旣執刑柄亦操吏權陽和熙熙貯在顏間守法持正疑如秋山火不侵玉倖臣畏伏鳳鳴祥煙曩噪低跽帝方何用天不假年公寐無寤其名愈遠門人達者赤舄玄衮公居甚卑其德愈尊兩子朝服駢驅朱輪佳城何在曾貴之里螭首龜趺德輝是紀嗚呼後人下拜于此

唐古拾遺翰林學士李公新墓碑銘

并序

范傳正

騏驥筋力成意在萬里外歷塊一蹶斃於空谷唯餘駿骨價重千金大鵬羽翼張勢欲摩穹昊天風不來海波不起塌翅別島空留大名入亦有之故左拾遺翰林學士李公之謂矣公名白字太白其先隴西成紀人絕嗣之家難求譜牒公之孫女搜於箱篋中得公之亡子伯禽手疏十數行紙壞字缺不能詳備約而計之涼武昭王九代孫也隋末多難一房被竄于碎葉流離散落隱易姓名故自國朝已來編於屬籍神龍初潛還廣漢因爲郡人父客以浦其邑遂以客爲名高卧雲林不求祿仕公之生也先府君指天

杖以復姓先夫人夢長庚而告祥名之與字咸所取象受五行之剛氣叔夜心高挺三蜀之雄才相如文逸瓌竒宏廓拔俗無類少以狹自任而門多長者車常欲二鳴驚人一飛冲天彼漸陸遷喬皆不能也由是慷慨自負不拘常調器度弘大聲聞于天天寶初召見於金鑾殿玄宗明皇帝降輦步迎如見園綺論當世務草荅著書辯如懸河筆不停綴玄宗嘉之以寶牀方丈賜食於前御手和羹德音褒美褐衣恩遇前無比儔遂直翰林專掌密命將與司言之任多陪侍從之遊他日泛白蓮池公不在宴皇歡既洽召公作序時公已被酒於翰苑中乃命高將軍扶以登舟優寵如是既而上疏請還舊山玄宗甚愛其才或慮乘醉出入省中不能不言溫室樹恐撥後患惜而遂之公以爲千鈞之弩一發不中則當摧橈折牙而永息機用安能劬碌碌者蘇而復上哉脫屣軒冕釋羈韉鏢因肆情性大放宇宙間飲酒非嗜其酣樂取其昏以富作詩非事於文律取其吟以適好神仙非慕其輕舉將不可求之事求之欲耗壯心遣餘年也在長安時祕書監賀知章號公爲謫仙人

吟公烏棲曲云此詩可以哭鬼神矣時人又以公及賀監汝陽王
崔宗之裴周南等八人爲酒中八仙朝列賦謫仙謔百餘首俄屬
戎馬生郊遠身海上往來於斗牛之分優游沒身偶乘扁舟一日
千里或遇勝境終年不移時長江遠山一泉一石無往而不自得
也晚歲渡牛渚磯至姑熟悅謝家青山有終焉之志盤桓利居竟
卒於此其生也聖朝之高士其往也當塗之旅八代宗之初搜羅
俊逸拜公左拾遺制下於彤庭禮降於玄壤生不及祿歿而稱官
嗚呼命歟傳正生唐代甲子相懸常於先大夫文字中見與公有
潯陽夜宴歸則知與公有通家之舊早於人間得公遺篇逸句吟
詠在口無何叨蒙恩獎廉問宣池按圖得公之墳墓在當塗邑因
令禁樵採惜灑掃訪公之子孫欲申慰薦凡三四年乃獲孫文二
人一爲陳雲之室一乃劉勸之妻皆編戶昨也因召至郡庭相見
與語衣服村落形容材野而進退閑都應對詳諦且祖德如在儒
風宛然問其所以則曰父伯禽以貞元八年不祿而卒有兄一人
出遊一十二年不知所在父存無官父歿爲民有兄不相保爲天

之窮人無桑以自贖非不知機杼無田以自力非不知稼穡況婦
人不任布裙櫛食何所仰給僱于農夫救死而已父不敢聞于縣
官懼辱鄉閭逼迫忍恥來告言訖淚下余亦對之泫然因去先
祖志在青山遺言宅兆頃屬多故殯於龍山東麓地近而非本意
墳高三尺日益摧圯力且不及知如之何聞之憫然將遂其請因
當塗令諸葛縱會計在州得諭其事縱亦好事者學爲歌詩樂聞
其語便道還縣躬相地形卜新宅于青山之陽以元和十二年正
月二十二日遷神于此遂公之志也西去舊墳六里南抵驛路三
百步北倚謝公山即青山也天寶十二載勅改各焉因告二女將
改適於士族皆曰夫妻之道命也亦分也在孤窮旣失身於下俚
仗威力乃求援於他門生縱偷安死何面目見大父於地下欲敗
其類所不忍聞余亦嘉之不奪其志復并稅免徭役而已今士大
夫之葬必誌於墓有勲庸道德之家兼樹碑于道余才術貧虛不
能兩致令作新墓銘輒刊二石一寘于泉高一表于通路亦峴首
漢川之義也庶芳聲之不泯焉文集二十卷或得之於時之文士

或得之於宗族編緝斷簡以行于代銘曰

嵩嶽降神是生輔臣蓬萊謫真斯為逸人晉有七賢唐稱八仙應
彼星象唯公一焉晦以麴蘖暢於文篇萬象奔走乎筆端萬慮泯
滅乎鐫前則必酒壺行惟酒缸吟風詠月席地幕天但貴乎適其
所適不知夫所以然而然至今尚疑其醉在千日寧審乎壽終百
年謝家山兮李公墓異代詩流同此路舊墳卑庫風雨侵新宅爽
塏松柏林故鄉萬里且無嗣二女從民永於此猗歟琢石為二碑
一藏幽隧一臨歧岸深谷高變化時一存一毀名不虧

唐故朝請大夫吏部郎中上柱國高都公揚府君碑

銘并序

席豫

夫靈鎮三峯倚京師而西峙榮河一曲抱華陰而東注故川嶽氣
交雲雨時出感降才傑紛紜元勳冠世為強家宅茲沃土者其惟
弘農楊氏焉曰我伯胤厥自唐叔關中相府乘朱輪者十人洛下
儒門登衮職者四代慶靈不隕以生我高都公公諱仲宣字曼後
漢之二十代孫也自高祖至于大父並名播海內亦存朝

端舊史前碑其詳之矣烈考皇孫刑部尚書魏國忠公元琰屬姦
臣擅命明辟應期功濟中興安劉氏者周勃禮優歸老論叔向者
祁奚出處全身忠貞盡節公即尚書府君之第三子也粵在幼齡
夙有至性事魏公宮國夫人以孝聞宗族推稱州閭籍其清貞真邁
俗秀楚不群氣和可親色厲難犯言必合禮動不違仁集七略之
書名高漢隱作三都之賦價重洛城未弱冠以通經為修文生授
右千牛光朝選也秩滿補太廟丞以親累出為蘄州司戶參軍屬
先尚書辭滿告歸公罷官就養賴由別業地連嵩高立中有華孝
子黎白之興川上有水漁父滄浪之歌溫清獲申隱淪兼遂橫為
酷吏王昌助所誣陷貶授雋州臺登縣尉劍南節度使益府長史章
抗奏公為管記飛書之急倚馬立成尋有詔停官歸侍俄丁尚書
府君憂讎齒而降哀毀骨立殆不勝喪取全於禮服闋從常調吏
部侍郎魏奉古早以文伯期於王佐乃授河南府河陽縣尉尋遷
藻思清華舉今上親試對策申科除蒲州司法參軍丁其國夫人
憂杖而後起公居魏公之喪也服闋不仕為叔父瑤所敦逼不獲

已而應命其年互名考判公居上等乃擢拜監察御史獬豸之角
初見觸邪鷄棲之車還聞嫉惡坐剛直出為汾州孝義縣令前宰
無良下氓失業稼穡之地半為荒疇桑榆之人多在通數公曉喻
歸本流亡盡復既富而教厥土有年故得雉馴郊田鸞降庭樹東
史蕭然乃圖書其像郵傳以聞天恩曠庸爾書曩美乃除華州
下邳縣令辭疾罷職求歸養閑無何除河南鞏縣令所歷為政有
逾於前尋遷禮部員外郎歷左司員外郎春官之屬以辭神人左
轄之佐以正綱紀乃轉吏部員外郎九品之曹一臺之劇有簿書
以別淑慝擇刀筆以決否臧於是乎以公滅私秉心匪石剖疑析
滯揮翰如流選部以清繫公是賴尋遷本司郎中乃統胥徒是稱
小選峻以風檢請託不行絕其關梁僥倖自息若乃見理之速持
事之堅雖有賁育之勇金張之勢曾無恐懼不可動搖不陟台階
奄先泉壤悲夫以元和二十九年七月五日構疾終于萬年永寧
里之私第春秋四十有九以其年十月十七日歸葬于閩鄉牧馬
原禮也惟公自家刑國曰仁與義得利者常流之所重公以先人

邑入盡分諸孤善交者衆人之所艱公以結下朋遊曾無凡客士
有險設比隣不通人或急艱傾家以濟素懷儉約雅好真如不服
綺紈不食葷血雖粉闥有閑朱紱斯皇不易貴賤之心能全始終
之節嗟乎與高千載道屈一時漢之崔駰官終邑宰魏之管輅位
止府丞天乎與才而人乎無命自古所歎豈獨高都而已府公所
著文集十卷盛行於代嗣子輪行太常寺奉禮郎次子轅輶麟輯
等永惟過庭之訓式遵卜宅之禮靈輜戒道及挽及關靈掌東拓
地惟鄉縣拱樹西靡心存帝京銘曰

河之靈華之精人之傑國之御名年不永位未身閑泉路兮宜奠
空歲陰兮崢嶸

唐故常州刺史獨孤公神道碑銘并序 崔祐甫

昔劉向稱賈誼言三代與秦亂之意其論甚美達於國體雖古之
伊呂未能遠過又稱董仲舒有王佐之材雖伊呂亡以加管晏之
屬殆不及也於戲二君以偉才當盛漢之崇而位止於下國二千
石祐甫聞於先君僕射曰主恩非臣下之所圖天命豈生人之所

制有唐碩量深識之士曰獨孤常州諱及字奎之河南洛陽人皇朝在牛備身愛之曾孫蔡州長史思曠之孫殿中侍御史贈祕書監通理之第四子仕而遭時鵠立於朝建撫東夏三著嘉績嗚呼痛乎奄忽捐館其時也大曆十二年夏四月二十九日其地也常州之路寢其壽也五十三年中朝名公素見知者後進之士聞義嚮風者洎漫寄常三州之百姓莫不填膺流涕皆不寔不相浹及彌月厚而惜之者往往失聲出涕施若公有子朗郁等未亂厥兄按校水部員外郎兼侍御史記方佐澗河東帥聞喪來奔半旬而至惋毒之甚如不欲生既受吏人賓客之弔乃忍哀謀事以六月六日引使君之柩去常州歸洛陽其年歲次丁巳十月朔七日葬我使君于河南府壽安縣其原先祕監之塋以夫人博陵縣君崔氏祔焉禮也水部曰天之降災害于我家仲叔季盡矣吾將老矣吾弟常州之子未立今不刻石表墓則常州之令名何以傳於後乃託我故人叙而銘之常州稟元和以生幼有成人之量祕監府君親授以孝經常州一覽成誦祕監問曰汝志於何句對曰立身行

道揚名於後世是志也自是徧覽見五經觀其大義不爲章句學成童子祕監憂乃飲不入口者累日先夫人同郡長孫氏諭以不可滅性之義由是微進饋粥杖而後起免喪加於人一等鄉族稱其孝焉長孫夫人高行明識訓道甚至常州漸教成器卓然有立著延陵論君子謂其評議之精在古人右天寶末以洞曉玄經對策上第超拜華陰縣尉著古函谷關仙掌一銘格高理精當代詞人無不長服俄爲中原兵亂避地于越丁太夫人憂毀瘠過禮既外除江淮都統使戶部尚書李峴奏爲掌書記授左金吾衛兵曹參軍軍旅之事非其所好未幾返初服今上即位下詔收後戎輿滯淹政之大者以公爲左拾遺凡所諫諍直而不訐婉而不撓屬藁訓詞不傳于外遷太常博士時新平大長公主之子裴防尚永清公主初以太子少傅裴遵慶爲婚主將行五禮公實相焉中使口宣詔旨易之大長主後夫姜慶初常州曰婚姻之禮王化之階以異姓之人主之不可甚矣某不奉詔中書令汾陽王時爲五禮使從焉又百官議卒定謚之際綜覈名實皆居其當嚴河南鄆酬答

員荆州評議議博而正當時建之遷尚書禮部員外郎受詔考第
吏部選人詞翰旌別淑慝朝野稱正上方大郵黎庶精選牧守以
公為濠州刺史平其徭賦恤其冤弱課績聞上加朝散大夫遷舒
州刺史舒境瀕江傍山羣盜所聚或蟠結林藪或趨廵城寺公惠
以柔之武以龍言之釋矛服耒盡為良俗其他如在濠之政居一年
爾書勞問就如尚書司封郎中錫以金章紫綬屬江南旱歉比境
之人流庸其衆公悉心以撫舒獨完安天子聞而休之擢拜常州
刺史常州當全吳之中據名城沃土兵興之後中華翦翦吳中州
府此焉稱大故朝之選牧恒屬意焉公官中和平易之教務振人
毓德之體百姓蒙化遷善不知所以安而安吏不忍欺路不拾遺
餘糧棲畝膏露降庭公平生聞人之善必掄揚之氣盡與之不管
若身得之後進有才而業未就者教誨誘掖之惟日不足公之文
章大抵以立憲誠世康賢過惡為用故論議最長其或列于碣嶺
流于詠歌峻如嵩華盛如江河清如秋風過物遊不可逮公有集
二十卷行於代若夫贊堯舜禹湯之命為詔為典為讓為訓人皆

許之而不吝試論道之位宜而不陟前是公之仲兄季弟伯姊三
年之間繼歿執天倫之喪如荼如棘竟以無祿天何不仁然則賈
與董名位不盡其才吾先君之歎主恩天命斯見矣其銘曰
常州之孝行為大蒸蒸善翼以做以愛友于兄弟如捧如戴常州
之義篤于友用之有常行之可以扶危拯溺爾身我手常州之才
施于政撫柔三部以仁為柄龍篆國僑千古迭映常州之文究其
本質取其正豔從其積在星之緯在衣之袞常州之年止中身去
昭昭之盛世與萬鬼而為鄰白馬江上青鳥洛濱鶴鳴在原嗟爾
元昆縵衽露血長號訴冤纂述遺美謂余不謬我觀之子將二十
年相投藥石胡跡不痊譬我於池子為之泉譬我於桐子為之絃
榮不獨遂難不隻全如何淑明摧頽碎堅廢衣楚挽徘徊墓田望
之不見赴之無緣狸首班如女手拳如天如天如泣涕漣如

故饒州刺史吳府君神道碑銘并序

白居易

汨市朝溺妻子非達也囚山林擯血屬非達也若有人與群動處
一代間彼為彼我為我不自察不自污不巢許不伊呂水其心雲

其身浮沈消息無往而不自得者其達人乎吾友吳君嘗從事於斯矣君諱丹字真存太子通事舍人覽之曾孫睦州司馬庶之孫太子宮門郎贈工部尚書誥之長子以進士第入官歷正字協律郎大理評事監察殿中侍御史太子舍人水部庫部員外郎都官駕部郎中諫議大夫大理少卿饒州刺史歷職義成軍節度判官浙西道節度判官潼關防禦判官鎮州宣慰副使國使階至中大夫勳至上柱國賜紫金魚袋君讀書數千卷著文數萬言寶曆元年六月某日薨于饒州官次其年十一月某日葬于常州晉陵縣仁和鄉北原從志也君生四五歲弄泥沙時所作戲輒象道家法事八九歲弄筆硯時所出言輒類詩家篇草不自知其然蓋宿習儒名之業明矣弱冠喜道書奉真錄每專氣入靖不粒食者累歲顯氣充而丹田澤飄然有出世心既壯在家爲長屬有三幼弟八稚姪嗷嗷慄慄不忍見其飢寒慨然省于祿意乃曰肥遯不可以立訓吾將業儒以馳名名競不可以怡神吾將體玄以育德凍餒不可以安道吾將學以荷祿祿位不可以多取吾將知足而守

中繇是去江湖來京師求名得名求祿得祿身榮家給之外無異物無越思素琴在右黃庭在左澹乎自處與天和終始履仕途二十七年享壽命八十二歲無室家累無子孫憂屈伸寵辱委順而已未嘗一日戚戚其心顏以至於歸全反真故予所謂達人之徒歟信矣仲弟名史某以予辱與其兄游既爲同門生又爲同舍郎周知名碑記噫先生之道吾能引古以明之銘曰漢中大夫東方曼倩夏侯湛高之名唐中大夫真存先生白樂天知之作神道銘嗚呼二大夫異代而同塗其皆達者乎

唐故通議大夫和州刺史吳郡張公神道碑銘并序

張之爲著姓尚矣自漢太傅良侍中肱晉司空華丞相嘉以降勳賢軒冕屢代不乏肱避地渡江始居于吳故其子孫稱吳郡人嘉以孝悌聞于郡故其所居號孝張里嘉之曾孫裕在宋爲司徒即公五代祖也司徒之孫儔在隋爲吳郡都督即公曾王父也台州臨海令諱鳴即公之大父也袁州司馬諱孝績即公皇考也或以

又物著或以婚閥名江南古族公諱擇字無擇未冠丁表

州府君嘗憂于墓書號而泣者三年有靈芝醴泉出焉既冠好
學能屬文從鄉賦舉明經第既為應制舉中精通經史科補弘文
館校書郎調左金吾錄事換杭州錄事參軍在杭州前後詰偽制
補吏者三十八人駁假年侍老者二十人舉而正之人伏其明會
劉幽之來為刺史舉課上聞詔授絳州錄事參軍絳之郡丞有主
壻者怙寵侮法豪奪人利公數其罪露章奏之章下丞相姚元崇
奇之致書慰美尋改太原府功曹參軍給事中張昉為江淮安撫
使表公正直奏署部從事吏部尚書陸象先為河東按察使狀公
清白奏授懷州獲嘉以不茹柔不吐剛得罪繇是左遷鄂州司馬
移深州司馬轉號州長史時上方思理詔求二千石之良者時宰
以公塞詔擢拜和州刺史公之在郡奉詔條卹人隱而已不知其
他無何水潦害農公請蠲穀籍之損者什七八時李知柔為本道
採訪使素不快公之剛直密疏誣奏以附下為名遂貶蘇州別駕
老幼攀泣而遮道者數百人信宿方得去移曹州別駕歲餘謝病
歸老于家大寶十三年正月二十一日終于東都荆仁里私第其

年二月十二日葬于河南府伊闕縣中李原享年八十三噫公生
天地間八十有三年可謂壽矣其間當明皇馭天下四十有五年
可謂時矣有其才得其壽逢其時然職不過陪臣秩僅至郡守凡
所貯畜鬱而不舒嗚呼其命也夫公之文學常為賀知章賈彥璿
許之公之諒直常為李邕張庭珪稱之公之政事又為劉姚張陸
推之夫以八君子之力援之而不足以一知柔之力排之而有餘
阨窮不振以至沒齒嗚呼其命也夫古人去道不虛行又去其後
必有達者故公之子大理評事誠以節行聞于時公之孫戶部侍
郎平叔以才位光于國報施之道信昭昭矣不在其身則在子孫
相夫幾何哉長慶二年某月某日平叔奉祖德揭而碑之居易據
家狀序而銘之其詞六

有木有木碩大而長破為楠此不作棟梁有驥有驥規行矩步辱
在短轅不駕大輅嗚呼噫嘻公亦如之將時不我遇而我不遇時
勿謂已矣天錫多祉既賢其子以濟其美又才其孫以大其門苟
無先德孰啓後昆

文粹卷第五十八



